

泉州府志卷之三十一

名宦三

明

晉江縣知縣

徐瑛杭州人正統末知晉江縣廉慎寬平汀寇作亂寧陽侯統軍駐延平檄調晉江民兵瑛恐民心騷動躬詣軍門陳其利害得免及保定伯統軍至泉瑛從容酬應民無所擾邑人賴之

舊志

蔣濬字希舜新會人成化初知晉江縣莅官勤慎興賢禮

泉州府志

卷之三十一 名宦三

一

士重農勸耕聽訟公明獄非重犯悉遣之囹圄一清常祿外毫無所取均徭役平賦稅修隄防蓄水積倉廩備器械凡輿梁廢墜莫不修治縣堂公館賢祠煥然更新秩滿陞漳州府同知民懷其惠爲立去思碑祀名宦

舊志參
願學稿

吳雲字民望華亭人成化十五年以監生知晉江縣居心寬厚行政平易有實惠及民不爲督責之治以邀名希世邑人戴德在任三年卒於官無遠近老少咸咨嗟痛悼謂天不相吾民也其子縉扶襯歸預請蔡清爲之誌

鄭瓘番禺人景泰丙子舉人先授豐城縣成化宏治間知
晉江縣邑多健訟前令罕滿秩者瓘平易廉恕推誠待
物民風丕變賊溫文進來寇府寮閉門震恐瓘帥師討
平之邑有六陡門障捍大江旋興旋毀瓘繕治有方民
蒙其利勒石紀功九載秩滿民詣闕再畱三年陞杭州

府通判

閩書參廣
東通志

鄧怡字光德清江人由舉人宏治三年任晉江知縣才識
並優冰蘖自守其蒞政規模先定節目詳明而信以一

泉州府志

卷之三十一 名宦三

二

之有善必嘉有不善必懲令出而民趨之刑舉而民畏
之郡城歲前值災傾圮者十八九上官謀修之委怡督
理其事境內有永豐庄立陡門畜水所灌溉六里之田
數千頃頽壞歲久莫能修復怡毅然興舉不數月而竣
功二載以覲行蔡清爲文贈之

節蔡文
莊舊集

梁景行嘉靖間知晉江縣大著循聲以艱去服除應天巡
撫吳廷舉薦其究心理學篤行古道居官馳良吏之譽
處鄉有儒者之風乞不次顯擢以勸賢者朝旨命吏部

召用之

閩書

錢榎字世材號立齋山陰人嘉靖中以解元進士知晉江
縣精練敏決用恩而不爲姑息用法而不爲刻深抑豪
強而人無侵奪懲盜賊而人得安眠明而不以聰察爲
訐潔而不以矯激拒人大造黃冊善搜積弊造謁賢士
談經論文秋闈集士廨舍具餐三試作興之復延名師
分詩書禮春秋四館以教士咸充然有得嘗因公至安
平孝子黃裳偕諸生舉其母陳氏節孝榎曰勵風俗令
職也卽出公帑建祠命里老督治旣成迎陳氏主及安
平之節烈顯著者祀焉名曰九節祠後陞刑部主事

閩書

泉州府志

卷之三十一 名宦三

三

叅紫峯文集再
徵堂集安平志

韓岳字魯淙餘姚人由進士嘉靖十一年知晉江縣進退
有章容止可法爲政揭綱剔要窮冊弊均里輸皆可按
而行之郡南六陡門被水衝壞親往課督重修民蒙其
利時汀廣寇發岳條機宜數十策上之當路多見採行
未朞年上官疊加旌獎秩滿擢御史去士民思之

節再
徵堂

集

汪宗之號雙竹貴溪人由舉人嘉靖二十年知晉江縣明
敏慎勤公平仁恕輕徭而省費訟簡而刑清絃歌之聲

作於學校冰雪之操詠於閭閻直指南湖徐公旌獎之

顧新山珀爲之序

節顧新山文集

宋大勺號仲石餘姚人由進士嘉靖二十四年知晉江縣下車祈雨雨應祈穀穀熟愛身潔己不以非禮自污與民接瀝腹披腎語盡而情忠不飾邊幅不徇文具無勾稽之擾而獄咸理嚴奢華之禁而用以舒懸蒲而民不忍欺圜空而民不敢犯殊鄉異域至越所部而求質成其爲政栗而溫寬厚而果確攬持風裁雖要津不避開導聽納則窮崖獲伸剗治盤錯斯迎刃立解至於輕徭

泉州府志

卷之三十一 名宦三

四

薄賦剔蠹窮源黠猾無不斂迹若其戴星出入退食夜分雖甚勤勞而不倦是以情僞畢照事體洞達司徒顧

珀爲序其德政

閩書叅顧新山文集

朱綱字振甫曹縣人由進士嘉靖二十七年知晉江縣正身潔己推誠盡下小民疾苦皆得單詞詳達日與諸生講道論文士知其正直莫敢以私干者入覲不持一物秩滿擢監察御史累遷本省布政使

舊志

錢之選字舜臣常熟人嘉靖庚戌進士知晉江縣性聰敏善摘伏兩造片言而決尤彊毅有執不爲權勢所撓監

司駐郡公費舊倚辦晉邑里甲稱累爲請七邑均之海
寇有警捐俸募死士躬自操練寇聞遁去自奉修約嘗
公出兩月餘計日蓄薪米衙戶封閉時進蔬肉則戶罅
閒一僮子尸之竟爲怨家所中調去士民畱其衣冠祠
之城東門外

舊志

盧仲佃字汝田東陽人嘉靖丙辰進士授晉江知縣爲政
務恤民隱建白興除可垂永久安平舊無城與鄉紳柯
實卿經營新築深滬烏潯二巡司城垣剝壞悉爲繕完
時倭寇猖獗軍興乏餉上司議弓兵加征洛橋置官權

泉州府志

卷之三十一 名宦三

五

稅再三申豁民甚德之以拾遺調福安令去陳牒挽留
者數千人立祠二一在郡東郭一在安平城又祀名宦

舊志

譚啓字繼之號敬所大寧人嘉靖壬戌進士四十二年知
晉江縣節用愛民聽斷公平定催征爲十限使民得寬
其力郡人洪司寇朝選曾督四川學啓試平等及至修
弟子禮甚恭後朝選爲巡撫勞堪誣害執送按察司獄
啓爲副使詣獄中謁之歎曰吾師被搆吾不能救而尚
仕哉遂解綬歸士論益重之

舊志 參
閩書

羅名士號春谷光州人嘉靖乙丑進士隆慶中任晉江知縣愷悌廉明銳意拊循小民議革夫保之編徵銀給驛官僱其各舖各村之夫悉編籍簿除縣印票外凡佐貳首領府縣房科不得擅役一人其省事便民類皆如此任九月以憂去民伐石刊頌記之

舊志

曾士楚號覺堂從化人由進士隆慶五年任晉江知縣潔己守官愛養黎民尤加意造士凡待奮鬻宮與拔自鄉校者多爲所賞識斌斌然盛於往時擢監察御史去邑

人追思之

節三
陵稿

泉州府志

卷之三十一 名宦三

六

彭國光江西九江府德化人由萬歷庚辰進士知晉江縣清修敏練事無巨細剖決如流舞文之吏怙貲之豪咸縮步捧心徵賦爲絜法鈞校之革除餘羨民以樂輸聽訟片言立折兩造成服行學宮修古文拔士之秀者厲督教文學彬彬時有分巡僉事恣睢酷虐國光與郡守鄒墀以凝靜持之士民賴以帖席奉檄丈田止舍郊垌徒步阡陌稚叟咸得陳牒吐詞腴犗低昂犁然各當丈畢計溢額一千四百八十頃人或以爲苛瑕不掩瑜蓋廉能吏也擢戶科給事中歷官巡撫宣府僉都御史

鍾允復字大亨南宮人萬歷十四年知晉江縣古心古行無赫赫稱而潔守淳政不以歲月程功暇進諸生論文課藝俛俛訓誨掩惡揚善惟恐或傷士競自奮杰雋彬彬丁艱歸歷南京禮部郎書

沈天啓崑山進士萬歷十七年由奉新令調知晉江縣瑰偉精敏削牘若馳灼幽隱若照解勞應變不啻刃游而矢決之春夏之交歲札穀沒民皇皇靡所乞糴亟上記當事發庾儲貸濟之時雨再沛歲以豐稔政務寬惠引

泉州府志

卷之三十一 名宦三

七

大體被劾降調士民惜之

節梅谷集

應朝卿字行叔號蘭臯臨海人萬歷己丑進士初授建安縣十八年以賢能調知晉江愷悌明敏小民得盡其情清節自勵不矜詞色征賦寧任拙不取贏治盜誅其魁悉屏跡歲飢發廩捐餒多方賑恤災而不害積牘盈案剖決無滯猾胥不得夤緣暇則引諸生誦說經學時務士蒸蒸然奮未浹朞輿人歌曰我有蝨賊侯則息之我有井邱侯則殖之又歌曰烏將雛吏畢逋懸冰壺樂華胥擢御史蘇濬爲文送之歷官按察使

舊志
參三餘集

徐兆鼎號羽蒼清遠人由舉人萬歷二十二年任晉江知縣下車首延薦紳文學及黨正游宗相與申命讀法衡其輕重值歲祲示民以相調相恤之義有粟者爭出其餘以佐賑輓輸相屬執經之士倒屣迎之民輸牒者丙夜削牘務求其當麗於法者反覆推訊不憚再三至求其生而不得猶愀然不懌以最薦陞大理寺評事節三餘集顧士琦字二韓太倉人萬歷戊戌進士二十九年由崇安令調知晉江縣不爲伉強開敏喜事好功一以豈弟爲政值旱蝗相繼極意拊循催科不事鞭朴與爲期會民

泉州府志

卷之三十一 名宦三

八

無逋者兩造之訟徐出片言輕者立遣重者量懲無株連亦無久繫校士嚴加防範邑無畱良卽在殼外者亦帖息無譁興一事必惟其終革一事必思其復居己於瘠而予民以肥居己於拙而予民以靜門無暮金吏皆奉法造請賢士大夫咨詢利弊不厭諄復秩滿念歲祲民艱於食報績獨遲陞禮部主事去士民建祠祀之節雲

臺藏藁

王繼賢長興進士萬歷三十三年知晉江縣延見紳士三老詢閭閻利病色溫氣和兩造至庭稽貌聽詞務得其

情曲者據法懲之無劇咎盛怒人稱平恕夏旱徒步行
烈日中往還郊外靡神弗舉輟催科停獄訟迄澍雨應
禱始洗沐而休其剖析重案摘發巨奸務期詳慎不以
揮霍炫長甫及朞頌聲載道三載以覲行尚書黃鳳翔
序以送之

李待問字葵儒南海人萬歷甲辰進士時年甫二十歷知
連城沙縣著能聲三十五年調知晉江縣初至延訪縉
紳請益諏詢諸獄訟催科一切停寢閱月而後卽事及
披案牘臨兩造數行俱下剖決如流村無吠犬園無宿

泉州府志

卷之三十一 名宦三

九

繫吏曹作奸獵賄里正負固逋輸者按法治之請免雜
餉一千五百餘兩議以先儒羅從彥李侗二賢崇祀從
之除火耗均里役給賑惇獨遍沾禁假銀懲亡賴申約
束以訓愚民立保甲以稽鼠竊修葺城垣繕造橋梁勸
墾而地日闢課士則餼必豐惠政種種復捐俸買甘舍
頭後龜亭崎二處山場以爲義塚邑人數百年無鬻體
之歎實受其德陞禮部主事歷吏部郎中應天巡撫戶
部侍郎尚書卒贈宮保諡忠定賜祭葬當去時邑人琢
石塑像於彌勒亭旁邑人史繼偕爲文以記乾隆十二

年邑令李元瑞新之乾隆二十年間邑令干從濂推毀
彌勒佛像移祀待問于亭正中所著有史涉及詩文集
典銓總漕諸疏草子象蒙國子監博士象家內閣中書
象頤蔭生兵部司務孫錫瓚康熙甲子舉人曾孫紹祖
康熙丙子經魁任永新令

節廣東通志
叅雲臺藏藁

陳之涓字澹夫號宜蘇江夏人由進士萬歷三十九年知
晉江縣明察本于忠信廉潔加以精勤邑賦多逋爲易
知單以便民里胥蠹絕民皆樂輸訟者授符令自勾攝
嚴其期會省其株連理枉伸冤扶弱蘇困久淹繁難之
泉州府志

卷之三十一 名宦三
十

案判決無遺市魁惡少藉援貴介捍網雄行爲引繩批
根三窟必窮一嘔不假善類全而探九伏莽者屏跡尤
愛賢禮士孚迪卵翼備至陽矯不得列於席邑故有權
稅自稅璫出而稅始重爲請蠲得減十之八佐修文
廟陂川澤繕津梁百廢犁舉旱澇爲災軫恤無遺力單
戶蒙惠而影冒者莫售其奸兼攝南安治一如晉割然
以解性恬淡無媒褻之御聲色之娛日坐堂皇陬澁村
鄙咸得輸其情民服其才感其德勒碑紀之

叅河

張履端號元思直隸進士萬歷閒任晉江知縣綜覈嚴明
吏事精悉時海氛不靖訛言煩興躬歷海澳嚴保甲之
約厲接濟之禁勾引諸奸立逮而置之法豪幹者繩以
威雖通顯不避寓撫字於催科總歲額而均通之權緩
急先後絜爲令舊逋則量其戶賦而輕重徵焉城鄉稱
便雞犬不驚嘗言若飢法以徇人如小民何人以爲仁

人之言

節霞樓
藏藁

杜獻璠號雲樓華亭人萬歷乙酉順天舉人以漳郡同知
署晉江令視事僅六月遇邑有水旱之災釋訟寬徵卹

泉州府志

卷之三十一 名宦三

十一

民疾苦試士數千甲乙其文士論翕然廉平精明剖判
如流爰書立奏手中兩情輸服願質成者聽之贖金不
問去之日吏白有贏錢揮不顧貯庫中爲修治洛陽橋
之費衆紳士爲詩送之何喬遠李光縉各有碑序焉

璧叅景
集

嚴自完號心籛浙江進士萬歷閒任惠安知縣以才能調
晉江寬厚慈仁清淨不擾值邊事孔亟加派之令興白
完立限徵賦毋厭煩致期毋取辦視盈先後多寡任其
輸追呼不聞敲朴全弛而賦亦集聽訟兩造詳訊決法

平亭未嘗快行一意束濕吹毛良善得白奸宄意消辛酉分校棘闈所取士盡知名秩滿遷擢兩邑士民思之不置

節霞棲
藏稿

薛邦瑞亳州人由進士天啓初任晉江知縣潔志銳治剔弊除奸復虛心俯從民便曰吾求無負於朝廷無愧于閭閻而已尤注意興教化厲文學六諭之頒申以約講勗諸生而分期課之精心殿最不失妍媸士民翕然化

之

節霞棲
藏稿

姚孫渠號石嶺桐城進士天啓閒由龍游縣令調知晉江

泉州府志

卷之三十一 名宦三

十二

下車卽有校文之役藜照一燃滄珠無遺所首拔旋獲雋邑當荒旱頻仍之後民困催科孫渠徵追不迫爲惠法中賦集而民不擾沿海迫饑寒者嘯聚剽掠鄉閭不遑寧居夙夜鞅掌爲固圉計編設保甲以防內閒環衛雉堞以壯外捍閭閻恃以無恐農安耕商安肆士民頌

之

節霞棲
藏藁

戈簡廣德人由進士天啓閒任晉江知縣飲冰茹蘖兩袖清風謂有用之學在於足民練兵得人造士縛嶺寇殲海鯨奸宄屏跡日與諸生談經論文多士感奮桃李成

行循良之聲播於四境節集

晉江縣縣丞

陳敘字伯敦籍貫未詳正德閒任晉江縣丞十一年丙子寇發延及廣浙二邊檄文武守臣禦之敘首先率士卒擊楫衽戈賊平敘功獨偉學博王箴等暨紳士各贈以

詩李源爲之序節再徵

堂節再徵集

林才傑字士英吳川人由監生嘉靖閒任晉江縣丞郡東北畱公陂歲久傾圯太守屠倬相地度功於陂東復建一陂與舊陂準命才傑董其役至則循行阡陌詢民疾

泉州府志

卷之三十一 名宦三

十三

苦獎勤警惰匪緩匪亟不十月而告成功民立石建祠以祀太守並祀才傑採汪復碑記

羅汝燦號訥齋歸善人嘉靖閒任晉江縣丞嚴以律己敬以奉上勞心撫字恪守憲典士民懷之節顧新山文集

鄧繼芳字思誠南豐人萬歷三十八年以恩貢生授晉江縣丞值海寇衝突訓練征輸樓櫓器械皆取辦于芳事輯而人弗擾卒于官晉人哀之爲立甘棠碑邑紳何燮

爲之傳摘錄建昌府志

王德明蒙城人萬歷末任晉江縣丞禮賢下士終日無倦

厭去官民閉城門扳留之

閩書

晉江縣主簿

史孟常正統中任晉江主簿從知府熊尚初禦賊死難今

從祀熊尚初于衛民祠及五陵熊太守廟

閩書

謝濟字惟霖高安人天順間任晉江縣主簿仁以存心公

以莅事經管稅糧禁胥役刁蹬留難稅足糧供贊襄邑

令政興務舉民心悅服上官亦器重之

節願學稿

鄧季綬南昌人正德中任晉江主簿前簿何讓大肆虐民

季綬至一以慈易爲治歲饑承檄閱視季綬報云當免

泉州府志

卷之三十一 名宦三

十四

全征尋以失實坐罪退悒悒不樂語其子曰二月賣絲

自忍心頭之痛宮中飛雪誰知外邊之寒吾爲民役受

其直而不得事其事事之不如人意如此始信高士不

肯爲是官也姑黽勉數月俟來歲秩滿決去就陳琛爲

文贈之

閩書參陳紫峯文集

晉江縣巡檢

汪芳山成都人嘉靖間任深滬巡檢戊午年倭賊由海登

岸度勢難敵密令民從小路逸走以身由大路逆之故

爲遲緩使民得以盡脫遂死之所全活萬餘命時五月

二十六日也民爲葬於本都勒石紀事卽上帝殿旁爲位以其死難之日祀之至今不衰

採本鄉碑誌

晉江縣教諭

王敬襄陽人洪武初爲晉江教諭有學行釐正學宮作新

士習

閩書

朱文簡字元可號墨溪樂清人爲諸生時郡太守稱爲當世人物正德六年由舉人授晉江教諭學行醇美克稱師道待士子有恩當道及泉大夫無不愛且敬者紫峯陳琛贈之序曰廉潔可以激貪仁厚可以敦薄眞素可

泉州府志

卷之三十一 名宦三

十五

以入誠恬退可以止競而又耽書若炙好賢若渴達有深識洒無俗韻未滿秩陞增城知縣名廉吏以不能狗

時好致仕去

舊志參閩書

李衡吉水人萬歷中以舉人任晉江教諭溫雅有文式誨多士士翕然從之終大理寺評事

閩書

林騰鵠永安人萬歷二十二年任晉江教諭諸生贄餽一槩峻郤曰官以教爲名豈以貨取集俊秀講業循循不倦言動具有矩矱陞王官去諸生思之立碑學宮祀名

宦

舊志

晉江縣訓導

黃袞字德章番禺人正德四年任晉江訓導與教諭朱文簡寅恭共濟接諸生以禮課文甲乙之靡不帖服補廩推貢按次報上靡所沾染李竹坡源稱其刮垢人才不

落俗格

節再徵
堂集

霍球字廷獻號覺山南海人正德六年由舉人署晉江訓導性度夷坦行如其學每月按期課諸生以身率之經年不倦學美而文充道修而教成與士大夫相過從講學之外無他及嘗謂天下之士學博者不欠也識精者

泉州府志

卷之三十一 名宦三

十六

不欠也才敏者不欠也惟夫器量宏遠千百中不一二焉人以爲自道其實云代巡督學屢核旌之未滿秩陞

湖廣武陵知縣

舊志參
筭江集

李一楫程鄉人萬歷末以貢士任晉江訓導慷慨高明學

問淹貫卓然有志於聖賢之道

閩書

南安縣知縣

余慶字原善新會人永樂三年由監生知南安縣莅官革奸弊均徭役修縣治興學校奏免崩決海蕩浮糧一千二百餘石賠累獲甦流亡盡復秩滿去民遮道泣畱如

失父母

舊志

鄒璉吉水人天順間以進士知南安縣作新學宮官舍拓治壇社坊額興脩水利雖坐累去官人無浮言

閩書

張鐸博羅人知府津之父成化五年由監生知南安縣愛民禮士守法奉公省冗費均徭役懲武斷猾吏無所容奸民懷其德成化十年疏乞致仕屆行民不忍別攀轅遮畱鐸重違其意爲畱數月而去

舊志

陳廷忠建德人成化十六年由監生知南安縣學識優長操履剛方廉明果斷鋤強植弱初涖任有畏其過嚴者

泉州府志

卷之三十一 名宦三

十七

久之吏民信服治譽昭彰值入覲士民合請蔡清爲序以送其行謂風雪之厲實開陽春嚴正所以爲惠引子太叔悔不用子產言以美之後回任以疾卒于官

舊志
參蔡

文莊
文集

黃濟字翊時臨川人宏治二年由進士知南安縣首興學校增選生徒考校訓誨有冤獄立辨之縣屬四十一都濱海宣德後民逃過半戶不滿三十田地日荒鄰豪乘閒兼併無輸之賦皆三十戶代賠濟招徠核實使逋民無不復復無不田田無不賦賦無不均盡復其舊政平

訟理修舉廢墜不勞民而事集公清廉介人莫敢干以私遇旱禱雨立應倡修邑志捐俸趣成未滿秩以賢能召爲太僕丞百姓立碑以紀遺愛

舊志參
閩書

沈誠字實夫常熟人宏治閒以舉人知南安縣禮士愛民有古循吏風持身端謹而處事練達前令修縣志未畢功誠爲成之復修齋舍築庫房造祭器以興學校省刑罰均徭役杜奸弊以甦民困李倫九者素作賊爲鄉里患苦鄉人縛赴誠倫九曰我無贓也何害做賊四十年脫獄屢矣與諸君詣沈公自見寬耳誠立抵于法鄉人

泉州府志

卷之三十一 名宦三

十八

大快曰我公仁也而且有勇

閩書參
南安志

洗文淵字希哲順德人正德四年由鄉薦知南安縣性方介不苟徇上官民以奸頑犯者無曲貸其愛民出自真誠民心感之徭役賦稅皆以時會無後期者居官清苦食無重味衣無重襲冲約如寒士蓋素性然也劉瑾之使旁午郡縣文淵自桎項爲民請罪故他縣騷然南安獨免遷南昌通判知宸濠將反投檄歸

舊志參
南安志

顏容端字佐嚴

一體作敬

廣東長樂人嘉靖三年以進士知南安縣講王文成之學邑有高士黃淑清容端禮重之

汀漳流寇九十三人橫行各縣屠掠鄉里甚慘容端提
劔西馳部葉元忠洪朝綱輩直抵德化之邱登中團山
誓衆集諸道民兵擊之設伏于雞母岫擒殲無遺邑賴
以安陞知州去

節再徵
堂集

唐愛字良德嘉定人嘉靖辛丑進士二十六年授南安知
縣性通敏善理繁劇紛錯盈庭暇如也興教化首繕學
宮樹應奎毓秀二坊表開濬水利築學前長橋及鰲背
大盈諸橋諸所修舉人咸便之縣多無田之賦歲受箠
械愛橐餼履田平除虛稅本邑舊爲同安借編弓兵三

泉州府志

卷之三十一 名宦三

十九

百三十四名愛覈同安丁米皆詭寄鹽戶避重就輕貽
累隣邑爲申請得減編三分之一歲派輸嘉禾倉米攬
戶包收價值民出十軍得五愛爲申允折價民困以甦
有陳氏黃氏姑婦雙寡慈孝著聞躬至門獎之歲時遺
米肉擢兵部主事去邑人思之祠于潘山市

舊志
南安志

夏汝礪融縣人由舉人嘉靖三十八年知南安縣縣舊無
城前一年爲倭寇所掠甚慘汝礪毅然以興築爲己任
計田出直計丁出夫不二載而工完未幾土寇褚鐸呂
尚四作亂率衆攻城堅不可入因督兵挫之九日山下

邑境賴以保全秩滿擢福寧州知州邑人因唐令舊祠

塑像並祀之

舊志參
南安志

邱凌霄海康人嘉靖丙午舉人隆慶二年任南安知縣好

以禮教勅民俗時太守朱炳如頒行六諭疏釋詳明凌

霄遍布邑中諄諄勸勉稍遠者擇其鄉之庠士朝夕講

肄復卽約所各立社學訓誨子弟繕修學校煥然改觀

黃養蒙傅夏器各爲文記之催科政拙屢見督于上官

一意撫字而不悔士民莫不沾沾向化

節三
陵稿

尹貞度龍游人繇舉人萬歷五年知南安五閱載存心仁

泉州府志

卷之三十一 名宦三

二十

厚大得民心以不善事上官劾去邑人立碑志思稱其

以不忍人之心行不忍人之政

南安志

蔣如京武進人由舉人萬歷十七年知南安縣廉明愷悌

百廢具興新禪寺以虔祝釐創隱君亭以旌遺逸民樂

趨不擾邑治前有譙樓形家謂其壅蔽京毅然撤而徙

東南之巽方縣門曠然改觀邑有金雞橋以功力浩大

久廢不修京倡始修建不一年而橋成晉江黃鳳翔爲

記而銘之厚風俗興學校振紀綱清左右之奸杜中外

之謁諸虎冠狐窟胥斂跡痛繩保攬而積逋以完特嚴

反坐而囁訟以息佚遊飲博佻巧諸惰窳一貞之軌咸
惕息務本業尤重禁人命圖賴之風以絕厲階善政表
著陞知州去人咸思之

南安志參
梅谷集

袁崇友東莞人萬歷乙未進士二十三年知南安英年銳
政持法方嚴邑數苦積逋猾胥攬戶相匿爲蠹牢蔓不
可致詰崇友窮清其弊邑無逋負之累訟株連者不槩
逮讞片言折之人稱神明雖豪右勢要一不當於理法
在必行時集諸文學揚挖古今敷析疑義人慶得師嘉
禾倉輸餉負運涉海多病民而無益於軍前令唐愛申

泉州府志

卷之三十一 名宦三

二十一

罷之有欲議復者力條其害乃止屬中貴人諸道權稅
欲往永春開礦途必經縣治闔邑旁午崇友預議以南
安附郡纔十里許郵役可省更番又壤地磽窄市肆涼
薄無可稅民大德之後中貴人由永春歸夜止縣界遙
聞更鼓聲黎明擁入縣治崇友適以公事造郡民恐其
歸見辱羣出拜迎中貴人意稍憚然終不釋憾會有藩
司觀風過縣不能曲意阿承因稱疾解印綬邑父老子
弟揭旂伐鼓遮道伏轅不能行郡守竇子偁親臨慰畱
秩滿陞刑部主事邑人立生祠于縣右

南安志參
餘集

蕭應鳳江陵人由舉人萬歷二十八年知南安縣清才蘊藉出入不必戴星條教不必煩碎而邑無滯事民歌寧一猾胥窟穴搜剔殆盡小大之獄必以情未及期違有賢聲後卒于驛舍邑人傷之

周紹祚仁和人由舉人萬歷三十二年知南安縣在任六載加意撫綏士民德之賦以不逋尤號明決判斷無畱牘邑有巨室爭墳歷任不能決紹祚下車鞫得實毅然不少假巨室不敢復爭讞始定以此得譽上官考最陞

江西廣信府通判

南安志

泉州府志

卷之三十一 名宦三

二十二

趙時用號霖宇江都人萬歷癸丑進士四十一年知南安縣淡約自持甫下車有以縟儀通款者輒卻之爲政祛繁就簡摘發中肯椽吏隸胥不敢進一語課稅有法人自輸之節驛站而民力舒嚴保甲而盜賊息發庾賑卹均役停征民無澤葵葛荒之嘆修飭黌宮建文明閣加意作人少司馬洪承疇民部傅啓光皆其首拔士也兼攝晉江永春二篆政通人和以治行優調閩縣內召諫垣遷奉常邑人立祠于九日山秦君亭

左南安志參序
天池贈

吳廷諫號如素南昌人由舉人萬歷四十四年知南安縣

撫民寬而馭吏嚴遇事勇而治事細日以風土民瘼爲
兢兢濬溝渠繕城垣葺文廟興文昌閣修九日山志
百廢具舉歲飢殍疫相繼親爲巡視發廩賑之民忘其
災清理賦役常寓撫字於催科鞭扑不施而宿逋胥完
訟獄審情察理兩造咸服上官有大疑難之案委辦無
不奏當者暇則與諸生評確文字正其體裁挽其頽風
士彬彬自奮豪猾革面胥吏浣手直指行部至邑津津
稱獎秩滿以最擢均州知州去民思之不置

南安志參
樓藏藁

呂天池
贈序

泉州府志

卷之三十一 名宦三

二十三

侯謹度號葵衷程鄉人由舉人天啓六年令南安得古循
良意恪守其官而於潁川鈎距之術無取焉每叩天自
矢曰吾惟飲南安水而已決不以口腹累吾民其清如
此以入覲道卒

南安志

李九華號滑疑新昌人崇禎元年進士三年冬除令南安
下車修舉廢墜善政聿新南邑夙稱繁劇九華提綱挈
要若無事然性敏練決獄如神持法如山絕去請託催
科有法纖悉必親吏胥無敢欺者邑志久缺復從公餘
纂輯捐俸刊布爲南邑典故之始他如獎士類剔蠹弊

興水利修津梁皆有功德於民崇禎七年以考績擢兵

部主事

南安志

闕士琦號褐公桃源人崇禎七年進士十年令南邑愛民禮士一以長厚爲治時鄉閭奸宄藉輸租斗斛太重聚黨請士琦禁革實生亂階士琦毅然斥之衆一擁而出徑奪以去當事者聞之廉知士琦長厚然於奸宄亦不能有所創懲也以艱歸民咸思之

南安志

南安縣縣丞

胡復績溪人永樂閒以太學生任南安丞嘗委督八都糧

泉州府志

卷之三十一 名宦三

二十四

儲不刑而事濟秩滿民請畱事聞擢知縣

南安志

馬一洪仙居人嘉靖中任南安丞海寇阮其寶四師老林剪毛等十八種爲患閩浙交廣閒二十餘年守程秀民廉知一洪賢遂因尹缺使專邑政囑以討賊事一洪親督舟師破阮賊於小磴南岸獲三舟俘獲數十賊退草嶼復爲風浪所擊一洪悉衆攻之阮賊授首餘黨盡歿未幾晉江石湖蚶江復報寇至守復以命一洪夜赴敵斬首二十餘焚其四舸賊始遁去上官旌之

南安志

方夢陽號東谷桐城人前太守克從子隆慶閒任南安縣

丞愷悌爲心慈祥行政日與民相噢咻署邑篆數月平易不擾廉明有爲邑中催科不煩自辦獄訟帖然稱平無負冤者上官廉其治狀以最聞直指給金帛優獎焉

節三
陵稿

李一令號慎菴繁昌人由監生萬歷四十一年任南安縣

丞有民譽直指以治行高等薦署惠安縣篆戴星而出兢兢求盡其職亭平不苟仁周於法頌聲四播陞瓊山

知縣南惠二邑民咸思之

節適齋
鑑鬚集

陳吾言清河人天啓四年以歲薦任南安縣丞恂恂長者

泉州府志

卷之三十一 名宦三

二十五

凡里役策應公務槩屏之有兩造必以理斷其曲直不稍徇以私尤加意作人值童子試有遺珠者相與就校於署中設醴饌以待之復爲第其高下噓之長令並得錄旋遊泮者數人咸推其能知人得士以最薦陞四川遵義令去之日爲詩辭諸知舊人士相送者至百數十人里父老追隨百餘里不絕焉

南安志

南安縣主簿

楊起字宗震泰興人由監生宏治十三年任南安縣主簿大得人和而事無不治職司財賦民以時輸退罔後言

上官廉其才事多委焉戴星出入或野宿不得歸廨舍者連旬報上往過來續無不了辨值滿考入京復委帶運折色糧價萬餘兩赴戶部投納邑耆民請蔡清爲序以贈其行

節蔡文莊集

南安縣縣尉

何廷宣高要人由吏員萬歷四十三年任南安尉清慎廉明質於庭者不忍欺亦不敢欺歷任數年不索里役一例不苟取行戶一物不縱一役下鄉騷擾去之日邑人有野無騷繹民歌樂只之頌爲立碑以思之

南安志

泉州府志

卷之三十一 名宦三

二十六

南安縣教諭

包原明臨海人宣德元年由舉人授南安學教諭學問淵深訓誨不倦時廟學頽壞有司政弗及原明捐貲勸義修建一新秩滿陞江西吉安教授

舊志

彭顯烈廬陵人天順四年以儒士任南安教諭學問優長訓迪有方多士服其教不衰

南安志

曹環巢縣人正德八年由舉人署南安教諭學有蘊藉教人務立根本不專以文辭課之諸生相慶以爲得師於義利之辨尤嚴室屢空晏如也在官踰年卒士類惜之

舊志

區鶴鳴號大野南海人隆慶五年以舉人署南安教諭愷
悌作人與諸生橫經談論日中忘倦夜分始休士類愛
敬署縣篆半載不染一錢興利釐弊毫不少假莫敢以
私干者陞岳池知縣至假貸以爲行資

舊志
三陵稿

龔士鏢號劒峯興化仙遊人萬歷三十九年任南安教諭
持身嚴重敦行孝弟尊事先聖豆籩有嚴齋沐載漱雖
在遂事未敢卽安待諸生如子課試訓迪有盡無隱束
修之餽一無所問其居約辭豐若恐污浼振貧申抑惟

泉州府志

卷之三十一 名宦三

二十七

力是視衷不辭苦色不見德忠實誠信自士迨民咸敬
愛之遷弋陽王府教授士民買地建祠生祀請晉江何
喬遠爲文勒碑紀之歸而無家貸居於學宮

南安志

鄭鼎龍溪人由癸卯舉人萬歷中署南安教諭履任後值
洪水浸淫學宮崩壞捐俸修葺邑人傳履階爲之記乙
卯分考廣東所拔多名士陞貴州廣順知州遇土司安
邦彥之難死之子出貞以天啓丁卯計偕上疏陳情奉
旨特祀賜扁旌忠春秋廟祭仍廕一子世襲錦衣衛正

千戶

南安志

南安縣訓導

郭器歸善人天順元年以舉人任南安訓導文章典實善於訓誨士類咸多其獎勸

南安志

戴魁貴縣人天順中任南安訓導端方該博訓迪不倦陞

莆田教諭

閩書

陳恩東莞人宏治二年由舉人任南安訓導學行充美誨引諸生甚勤不率教者必峻責之性淡於利迨去任

無餘藏

舊志

李溧四會人嘉靖三十六年任南安訓導端軌率物士之

泉州府志

卷之三十一 名宦三

二十八

貧者捐俸以助善大書有求者輒書改過爲善四字與之

舊志

陳萱號葵東公安人隆慶間任南安訓導恬退藏修不樂

養交市譽於學士大夫嘉言懿行企慕獨深其平章風雅揚權名流則自大方家數以下斷而弗論作士弗倦

邑一科登鄉薦者八人爲從前所未有

節三
稿

陳天瑞封川人隆慶三年任南安訓導篤實嚴重教人必盡其誠而常周士人之急所服布衣草履歷數載不移

南安志

惠安縣知縣

宋敏中濟寧人洪武元年知惠安縣先是邑民爲陳友定所殘暴敏中撫字得宜民以寧靖後卒于官志舊

陳葵鄞縣人儒學聞時洪武初被薦召見問以政事得失

民間利病稱旨授惠安知縣能績著聲閩書

安景賢三河人洪武八年知惠安縣剛毅果斷判決無滯民頌之曰安公蒞止視民如子不怠不荒爲邑之主秩

滿陞蘇州府同知舊志

閩宏安邑人由耆儒舉洪武十三年知惠安縣崇禮節尚

泉州府志

卷之三十一 名宦三

二十九

文學田野闢吏案清民安訟簡卒於任舊志

吳克剛上虞人由賢良方正舉洪武二十二年知惠安縣

寬恕愛人政令公平清操推第一二十四年述職至京

卒于途百姓莫不感泣舊志

陳永年新淦人洪武三十二年由給事中調知惠安縣廉

慎愛民馭吏有方邑嘗患蝗螟永年禱于城隍翼口鸚

鵠蔽空而下盡捕食之其患遂息歲且豐太守胡器暨

諸名士有文紀之舊志

閉禎橫州人宣德閒任惠安主簿克勤撫字九載秩滿以

邑民畱正統中陞本縣知縣禎既久任習知政事桁楊不試教化自行境有虎患禎募人捕殺之餘皆遠遁正統末沙寇掠郡大兵南下禎措辦糧餉設畫備禦綽然不勞邑賴以安民立碑紀其德又九年致仕舊志參

王覽陳畱人景泰七年由舉人任惠安知縣興學課農愷悌慈祥愛民如子天順二年四月亢旱苗枯損覽憂形于色齋潔蔬食祈禱山川於是甘霖霽霈其秋大穫次年禾稻將熟颶風大作仍祝于神其風遂息天順四年丁外艱去民爲立碑舊志

泉州府志

卷之三十一 名宦三

康永韶祁門人旁通百家尤邃天文由舉人擢監察御史成化閒謫知惠安縣爲人簡易不事修飾而剛果嚴密鋤強綏弱政事精明吏不敢欺丙申大飢永韶多方賑濟全活者衆歷任三年調知順昌縣歷禮部侍郎祀名

宦

舊志參
惠安志

陳栗南昌人成化閒由監生任惠安知縣簡靜愛民卒于

官民思之

閩書

張桓字德威浮梁人成化辛丑進士十八年任惠安縣有幹才未暮年庶務畢舉興學校表先哲重人材暇則與

二三名流周覽詩書俎豆閒或登高眺遠把酒雅歌瀟然若事外者邑東三十里曰輞川者爲海之一支居民數百家業海爲利一水之隔舊渡以舟值風暴水漲或人衆爭先常有覆溺之虞桓因公至其地相其隘處東有盤石其西積土如阜不受水齧可橋也捐俸爲倡里人爭應之由基及梁皆石爲之長三十二丈廣丈四尺爲閒十五各衛以欄垣夷端直堅固完好一成而百世永賴蔡清稱其以磊落之資兼實用之才從容辨理人

不知費在任六年以太僕寺丞召

舊志蔡文莊文書

泉州府志

卷之三十一 名宦三

三十一

周用字舜中饒平人宏治乙丑進士正德中知惠安縣懲惡徵善興學賑饑政事聳然仕終浙江僉事居家布衣

草履吟咏自娛

閩書

陳逅常熟人由進士正德十四年知惠安縣操持廉介蒞事精明省里甲之費日止綱錢十文抑豪猾剔蠹弊吏畏民懷以才調福清行取爲監察御史言事落職稍遷至福建僉事分巡福寧道嘉靖初年惠邑大飢逅發穀三百石賑之復禁鄰邑閉糴惠賴以活民歌頌焉

舊志

徐倫字子明上饒人正德甲戌進士十五年由臨海令調

知惠安縣公而不苟廉而有斷壬午大稽天下輿圖他邑或以後期不實譴倫內籌于心抉剔蠹弊周知多寡登耗之數而均其圖里既成手稿以授掌事者老胥宿猾脅息聽命悉振質劑之常入以歸公帑事辦獨先他邑民無後言其他善政美不勝書越年以最薦擢漳州府同知直指下旌書美其治惠之政既去民愈思之邑

人張岳爲敘其旌異事蹟

節小山類稿

萬夔字大章新建人由進士嘉靖二年知惠安縣邑文廟當文筆峯之麓學門與廟門異方若相背夔始至考

泉州府志

卷之三十一

一名宦三

三十二

正方位以次更新費取諸公藏羨金及寺穀斂不及民談藝講經振飭文教自後文士彬彬科目日盛實自夔倡之爲政持大體重先務推心與人因俗成理宣通幽滯振惠困窮賦有藝程百度咸節囚獄無淹奸宄屏息先是錦田丞浚利哀怨人多不堪夔立按去之風采旣振惠愛益流一意撫字安靜不擾以才調閩縣民羣乞畱於按察使者曰去年秋稼風損冬稼早損及今二麥雨損無種所賴爲命者吾萬使君耳若遽奪以去是棄吾小邑不有乃命也如是數十百言竟以例格不克畱

僅畱兩月既去民爲立去思碑後行取擢監察御史

舊志

參小山類稿林次
崖文集惠安志

莫尚簡字敬中封川人嘉靖閒以監生知惠安縣請張襄

惠岳修邑志

閩書

陳良法號蛟池開化人由諸生卒業成均嘉靖二十五年
知惠安縣以學爲政以儒飾吏廉足潔身嚴足馭下惠
足養民明足伏奸才足理繁催科有期而賦稅樂輸用
財有節而理役輕省斷獄公平民稱不冤用刑允當人
無不服尤加意學校作興人才邑當飢饉之後元氣未

泉州府志

卷之三十一 名宦三

三十三

舒左提右挈拔塗泥而措之衽席未三載而飢者食勞
者息倉廩實囹圄空生齒蕃民俗厚入覲遷擢去同安

林希元序以送之

節林次
崖文集

俞文進婺源人由舉人嘉靖三十二年知惠安縣居官簡

易安靜不擾築城衛民有功於惠民戴之以憂去

閩書
參惠

志安

林咸字季虛番禺人由舉人嘉靖三十五年知惠安縣三
十七年倭寇破福清南下悉力攻惠安縣治居民僅九
百家咸晝夜登陴率民死守擒馘七十餘賊急以呂公

車來攻咸制敵紉三座外施絮被內藏兵器禦之賊知有備解圍去城賴以完越數日倭由海道寇鴨山咸統民兵討之戰亡贈府同知賜祀官其一子舊志參惠安志

符良佶號他山黃巖人由舉人嘉靖三十八年任惠安知縣值視海副使致倭二十九人于省至楓亭夜破柵削械殺監者以去護解兵役錯愕無計詣縣請死良佶曰努力除罪勿怖也授方畧於典史張承吉命搜捕之又計賊窮走且入海榜沿海居民謹備之是日承吉挾兵往追賊果之峯尾良佶顧縣丞潘之禮提兵佐之峯尾

泉州府志

卷之三十一 名宦三

三十四

人先得縣榜皆甲以待賊緣海掠舟峯尾人逐之退據墩臺良佶出家兵督戰三面圍蹙生擒十二人餘馘以獻二十九人無一脫者上官特加獎焉鳳岡存藁

蕭繼美字敬吾羅田人由舉人嘉靖四十四年任惠安知縣存心寬仁莅官明敏培植士類愛育黎民諸務大體去苛細折獄片言兩造輸服節嗇廚傳星輶所過以隻雞樽酒相勞問毫不累民糲食布衣淡素如寒士值倭亂後人多流徙積逋額賦無算加以宿兵需餉催徵益急奏課餉不及格者不得遷且有罰繼美用一緩二與

民立期會調停其閒殷殷顧念民感其慈惠拮據來輸者絡繹不絕餉完及格視他邑獨先郡守暨撫按列其善政特加旌獎

節鳳岡存
藁參閩書

葉春及字化甫號絅齋歸善人上春官時詣闕上書三萬餘言都下翕然謂劉蕢復出授教閩清隆慶中陞惠安知縣疋馬入境采風謠詢民疾苦凡邑所困重役悉爲申改官催徵納規則纖悉曲盡八郡傳以爲式審覈黃冊罷去里書令民以次列堂左右親供毀淫祠百餘區立社學講鄉約舉射飲禮高年力行保甲遇有羽檄之

泉州府志

卷之三十一 名宦三

三十五

警會其什伍旂鼓兵革不謀而具民有設祠醮及居喪用浮屠者召爲講皇極孝經隱士康朔孝子王定民皆躬至其廬禮焉性觚稜不屑媚權貴人豪家斂手莫敢犯法上官行縣饋餉給七箸而已在縣四年擢賓州守軍民詣闕乞畱不許忌者匿其檄令不得赴大計以逃中之拂衣歸隱後以薦召用歷戶部郎中嘗讀書羅浮之石洞人稱曰石洞先生所著有絅齋集惠安政書肇

慶諸志祀名宦

舊志

劉宏道吳縣人由進士萬歷二年知惠安縣德器溫良樂

易讞獄稱明愛民禮士乃進諸生親立課程設饌給燈
油以佐誦讀邑文筆山對峙學宮爲人文所關遂累石
增高迨滿二考以給諫擢去士民爲建去思亭惠安志
鍾化民字德甫仁和人萬歷庚辰進士八年知惠安縣慈
祥恭儉絕供餽節冗費糲食布袍無異寒士攢造黃冊
稽息耗均徭役催科有法村落不聞追呼暇時爲諸生
手校文字民有土田之訟必躬自按視挾一團飯一枯
魚以行得情卽遣去不責贖鍰斷罪多從輕典亦未嘗
稍有瞻徇接人詞和氣平而干謁者自不敢啓口政簡

泉州府志

卷之三十一 名宦三

刑清三年覲行僅舊衣書籍兩篋蒼頭擔麻袋隨行人
索視之則廨中所爨餘米及剩匏一片也調樂平令歷
旨巡撫河南僉都御史惠民爲立碑誌異舊志參閩書惠安志
蘇光漢順德人由舉人萬歷十一年知惠安縣簡厚沈密
治化以扶植風紀爲先緩催科清里役治蠱獄多所平
反不爲翹翹異行以邀駿聲而地方群受和平之福一
時循良稱最陞蘇州府通判惠安志
王大棟岷縣人由舉人萬歷十七年知惠安縣裕民止盜
鋤強禁奸清理錢穀民沾實惠賑飢蔬米自隨閭閻不

擾

閩書參
惠安志

何志臯富川人萬歷戊子舉人知惠安敦篤真誠關節不到興利祛蠹振民之急重修城隍廟不二年調去民遮道乞畱軹不得發乃下車步行與交拜而別

閩書參戴
卓峯記

劉一陽號復齋泰和人由選貢萬歷二十六年任惠安知縣邑故瘠土民力穡無紛華一陽下車謂盛世無佚民良御無佚馬何事驚擊爲則盡罷武健吏惟以孝弟力田課閭胥時時詢民疾苦養老問病軫恤犒獨暇則召諸生與考典故商時務捐俸買粟數十鍾以周其乏多

泉州府志

卷之三十一 名宦三

三十七

士賴焉會海上羽書頻警城西北獨倚山椒憑虛易乘守陴難支父老談嘉靖戊午之變蒿目怵心一陽謀倣省會故事繚以重薨爲敵樓五爲聯房一千八百有奇不再月百雉改觀金湯增峻民爲歌曰瞻彼鳥兮爰巢于木矧伊人兮爰增其廓百堵俱作君子攸度又歌曰昔我至止風雨飄搖今我來思層宇岿巍彼君子兮於焉逍遙直指采風以最聞甫二年遷擢去蘇濬爲文贈之行士民立碑頌德

節三
餘集

羅繼宗南城人由舉人萬歷二十八年知惠安縣諸興除

多善政邑東北輞川鎮支海明初有蔡子甲爲二船以渡取其渡錢歲入米二石於官成化間居民鳩工爲橋渡廢而米猶存甲子孫請干官斂商船錢抵賦商苦之久之蔡益微賦益逋萬歷初令蘇君攤賦合都民戶仍令蔡氏收納未幾蔡子孫逃竄繼令劉君曰渡故屬輞川則輞川民自賦之自是隸胥逐戶箕斂索雞黍不貲賦一而費且十至是輞川民告於繼宗請仍攤合都民毋獨累輞川繼宗曰是浮賦也攤而不除賦猶在也輞川與合都何擇焉民有新墾田而請賦者可抵也於是請於部使者盡除之僉謂始望不及此勒石以紀之

楊國章宜春人由舉人萬歷三十七年知惠安縣溫仁醇愷未嘗諛言恚色未嘗輕施尺箠邑村落憚於里役巧相推擠國章進之庭而婉譬之令其居閒亭平不忍奮管輕署其役聽訟集兩造質之寧徐毋棘寧寬毋深雖孱夫極短於口者咸得畢輸其情邑志自張襄惠岳修後已歷六十餘年乃聘邑士黃士紳續修之名曰續志在任四年雨暘時若年穀豐收民無逋賦庭無冤獄以

公餘課士談經科名後先相望秩滿入覲遷擢去陳玉

輝序以送之

節適齋
鑑鬚集

陳淙號靖予會稽人萬歷末年任惠安知縣儉約自持宴客肴數簋酒數行而已歲歉賑飢虛心詢訪縉紳酌而行之民沾實惠政平訟理請託不徇庭無冤獄俯接諸生凡以文字見者雖未隸學宮亦爲講解不厭崇武所故有倉兵糧取給焉向以主簿司出納斛面上倉諸費不貲機兵與攬戶私謀折色收買月票展轉侵蠹偶以本色散軍率皆攬和沙泥兵民交困淙上於監司大爲

泉州府志

卷之三十一 名宦三

三十九

清洗向時乾沒徵入還官復上記督撫請自主倉無復用簿乃罷折色除追呼民來輸倉者親詣視任自平概米落地者聽掃歸一無所問未屆三月全數完納筦鑰自執莫由私入插和民飢開倉賑之入則受民之縮出則與軍之贏諸軍歡呼不安願受一縮一贏以劑其平乃許之崇武城近海風沙飛壅重以居民闌入近城地插薯取煤藉口墾荒東南一帶成邱阜高且齊城跳躍可入淙奏牘大府申嚴其禁視舊域稍畫出之起旂尾任盡大岞港所有墾荒科產爲融派除豁於是濱海垣

墉不增自高不障自堅屹然金湯永固士民兩爲碑紀之

繆伯昇山陰人天啓閒任惠安縣知縣緣儒飾治保民如赤民勃然而來則漠然應之俾忿者息難者解民噎然而茹則拊然吐之俾困者蘇苦者甘民邈然而寬則猝然急之俾疎者密弛者備民初若不見德久而愈思會登萊之變餽饟是憂奉文特嚴催科伯昇不及格當被謫惠民肩摩踵接赴訴上官得免仍勒碑以紀其政焉

泉州府志

卷之三十一 名宦三

四十

鄧英字聲飛號文沙安福人萬歷己未進士天啓初任惠安知縣釐戶口清賦斂贍軍實蘇驛置平市價鋤豪強備海門擒寇盜遇旱步禱澍雨立沛聽訟速結民得安業尤重興學毖衡文庶政畢舉口碑載道擢諫垣去士民立碑誌思焉

葉初春號匡岑湖口人前教諭綦子崇禎戊辰進士九年知惠安縣冰蘖皦然案無滯牘仁民造士剔弊更新值海上告警晝夜乘城折衝無患士民德之陞監察御史

祀名宦

節克薪堂文集
參惠安志

李沾號毖軒華亭人崇禎戊辰進士任惠安知縣潔己奉公仁心爲質不以搏擊邀名驩虞賈譽積案積蠹爬搔殆盡戢暴扶弱拊循瘡痍殘黎登之衽席嘉矜子弟造就譽髦有憂民之色無矜己之言歷署晉江莆田益著賢聲民尸祝之先令慈谿襄陽亦有惠政

節筭堤集
叅敬日草

趙玉成吳江人有文名崇禎十六年以進士任惠安縣爲政寬和訟庭草滿建文發書院于學宮之側月朔集紳士講學論道品題文章經選拔者無不成名以異績擢

銓部去邑人勒石思之

雍正
志稿

泉州府志

卷之三十一 名宦三

四十一

惠安縣縣丞

李德遂臨海人由進士洪武十九年任惠安丞性質純雅文辭雄贍莅官勤謹撫下慈惠後卒于官葬縣北石鏡

山之陽

舊志

劉鐸汶上人由孝廉舉洪武三十年任惠安丞公直果毅

上官重之卒于官

閩書

劉玉太平人由吏員宏治五年任惠安縣丞吏事精練人不能欺財賦多倚辦焉

閩書

余祐字順甫號鶴山鄞縣人由監生嘉靖十六年任惠安

縣丞嚴以持躬勤以蒞事敬以事上檄署龍巖縣篆甚宜其民擢遷江令去民咸思之

節顧新山文集

劉佩峽江人由功生嘉靖十九年任惠安丞清介絕俗俸外不入一錢催科不擾出入裹飯自隨遇豪貴不撓目不知書而立法嚴明民吏胥戴前後丞尉皆不能及陞

潼川州同知

舊志參閩書惠安志

俞正觀字用光浙江嘉興人由椽辟隆慶六年任惠安縣丞廉潔自持徵賦鮮所染指清戎捕盜弊蠹振刷三載陞王官垂橐而歸民感之爲立去思碑

惠安志

泉州府志

卷之三十一 名宦三

四十二

張翼岷縣人萬歷四年任惠安丞慈仁賦性精明爲理廉介公勤止於忠誠署邑篆興學均賦發奸宥罪一日登眺高士峯頂曰老母垂白嗣息又艱何羈一丞爲遂乞

終養歸

閩書參惠安志

惠安縣主簿

段好禮洪洞人由秀才舉洪武六年任惠安簿清操自勵一毫之賄未嘗受於民法令公嚴邑人信服後卒于任

舊志

黃志達興寧人正統中任惠安主簿正直和厚輿論推重

梁崑新興人成化七年任惠安簿好學重儒設鄉學教民讀書人心悅服後以母憂去舊志

王嘉相嵯縣人萬歷四年由歲貢任惠安主簿廉潔躬修薄勢利緣飾吏治以經術口不言文章而興利愛人勤政務本大都半部論語也陞通山令行李蕭然士民思

之惠安志

惠安縣典史

楊榮代州人永樂十年以監生任惠安典史性質剛直清

泉州府志

卷之三十一 名宦三

四十三

操自持處貧窶澹如也知縣陳永年以其名薦于朝部檄來徵未至卒于官舊志

鍾銳會稽人嘉靖三十一年任惠安縣典史勤慎潔己邑令事多倚為裁決部紙之役兩督賦于崇武事集而不染錙銖捕盜賊察姦伏克稱其職會當入京向時道里之費皆斂諸民銳下令悉除去垂橐而行大著廉聲鳳節

岡存藁

惠安縣巡檢

王振顛榆人嘉靖閒任惠安巡檢捕賊拒敵被賊殺死其

子冒矢石入陣收父屍亦被殺事聞蔭一子入監閩書
惠安縣教諭

鍾琳成化中任惠安教諭在官極重祀事祭器莫不預飾
祭物莫不精潔先祭省牲視具退而習儀于明倫堂莫
不整肅及期行禮事竣稽其敬惰而撻其不如儀者故

鍾教諭之嚴至今有聞閩書

邱尚海陽人成化丁酉舉人戊戌乙榜授惠安縣教諭教
條一新士類嚮服時浮梁張桓爲邑令興學右文與尚
動輒響應政教相爲流通以是學校精神視昔加振數

泉州府志

卷之三十一 名宦三

四十四

倍丙午鄉闈得雋者三人前此未有也奏績入京蔡清

爲文送之節蔡文莊集

劉觀寧波人由舉人成化二十二年任惠安教諭朴實嚴
重學規整肅以道德仁義誨諸生勤於教導有古君子

風後卒于官諸生思之舊志參惠安志

黃文正樂清人由歲貢正德十四年以蘇州訓導陞惠安

教諭善持學規閩書

沈鑰平湖人嘉靖七年以訓導署惠安教諭肅規條勤考
課三年行孚而人信之巡按劉公書其考爲七邑冠命

有司修敬其舍以風勵學宮

閩書類稿小

何彥順德人由舉人嘉靖十八年任惠安教諭規矩整肅

一振廢弛之舊後舉進士

閩書

周一陽漳州海澄人萬歷十年由歲貢任惠安教諭賦性剛直飭規肅矩與諸生講實際之學曰大學只箇誠字中庸只箇中字論語只箇仁字孟子又添一箇義字乃虞廷咨命于中字外別無剩語故曰中者天下之大本也其未發性也覩聞未交聲息不有靜中悟未發氣象原不著相在耳曰聞在目曰見在心曰誠曰中曰仁曰

泉州府志

卷之三十一 名宦三

四十五

義總是一箇祖龍萬理一理萬心一心萬發只一未發會麼則擲柄在手立定腳跟隨所作用自爲天下第一等人大都學見其大不爲媿妬之態茹澹郤贊縣門無所干謁擢儋州學正棄去孫起元辛丑進士浙江巡撫

惠安志

葉綦湖口人萬歷十五年以貢任惠安教諭學有淵源議論根據關閩濂洛一時翕然宗之以爲得江右正鉢綴猗蘭之賦解石鼓之文問奇者屢滿戶外飭躬勵行贊餽不苟取嘗咏苜蓿長闌干之句自若也時巽宮傾圮

倡議修葺廟宇丹堊煥然聿新諸生有難自給者捐俸
置學田以優之名節必矜滂仁曠義非公不以干請至
雅取重於邑宰立課程勅規敕矩諸生中或抱抑未能
自昭雪毅然爲之直有持報至則謹謝去鄉飲酒禮奉
行者故事視之綦舉必覈人行必中禮邑人用是以勸
去之日蕭然行李橐中惟圖書數事而已祀名宦子初
春崇禎戊辰進士知惠安縣富春鄉薦

節惠
安志

陳邦奇餘姚人由歲貢萬歷三十一年任惠安教諭器度
宏遠經術湛深端操履而冰檠彌堅振教鐸而春和廣

泉州府志

卷之三十一 名宦三

四十六

煽去之日民勒石誌思焉

惠安志

曾熙丙號傲炫候官人由舉人萬歷三十六年任惠安教
諭端架卻贊門清如水囊空如磬齋鹽自甘殫心課士
暇則旁觀世務凡田賦戶口之盈縮徭役訟獄之輕重
風謠俗尚之美惡山陬海澨之欣戚靡不究心以備經
濟與陳玉輝相友善北上計偕玉輝爲文送之

節適
齋鑑鬚

集

蔡時馨延平人天啓閒任惠安教諭值邑令當計偕委永
春令兼署惠篆仍置諸其治所海寇突至巡海使者過

惠問誰禦寇者曰無有邑中惟有蔡學博耳命之曰君
卽廟堂掌故乎顧舍此無人矣時馨諾而登陴召集父
老子弟協力固守嘉其銳厲者而扶其不勉者人皆憚
之莫敢犯復出私財行賞鼓而壯其氣民奮發爭先殲
賊數人以徇寇遁去於是輿人頌之曰在泮獻馘是惟
蔡先生其頌章積盈卷帙晉江何喬遠爲作禦寇輿頌
序

惠安縣訓導

王應巡閩縣人萬歷十一年任惠安訓導通慧警敏潔行

泉州府志

卷之三十一 名宦三

四十七

澡修學貫經史尤工詩文諸生執經問難本原洞窺召
入武場程錄皆出其手陞雅州守以廉奸剔蠹稱惠安志

蔡天爵光澤人萬歷三十四年任惠安訓導性情質樸禮
貌謙冲與人交不設城府脯贄餽遺無所問裝收數卷
殘經鄉思轉切乃以疾卒邑無知不知咸哀憐之惠安志

林騰詔安人萬歷三十四年以貢任惠安訓導學問淵源
性資介直其自許不屑爲今之人立教一以蘇湖爲宗
矜名節重行誼其於義利之辨尤嚴卓然有古君子風
時學舍頽壞騰捐俸百餘金鼎建一新陞淮府教授致

仕去惠安志

安溪縣知縣

陳善寧金華人永樂三年知安溪縣至則以興學校爲先務見學宮圯毀掄材鳩工始於齋舍次而殿廡堂階廉楹戶牖悉爲修治慮公費弗給與縣丞戴玠主簿宋和典史趙顯各捐俸益之俾民無勞擾不數月而竣工郡學博錢俊爲作重修學齋記節安溪志

戴玠潮陽人永樂三年仕安溪丞陞本邑知縣興學校課

農桑招復流移一邑稱治舊志

泉州府志

卷之三十一 名宦三

四十八

潘靖金華人正統二年知安溪縣新學校勸耕桑均徭役抑豪右邑大飢奏免稅糧九十餘石諭巨室出羨餘以賑貧乏多所全活招復流民百十餘戶事苟利民雖難不避雖小必爲吏民不敢欺亦不忍欺深山羸老扶杖而出願一見焉後以入覲卒于京師民思之爲立碑以

記遺愛祀名宦舊志 參 閩書

路亨當塗人正統八年知安溪縣居官廉慎寬以御民而加意學校士民德之祀名宦舊志

李青石城人景泰中知安溪縣巡行勸農朔望入學與諸

生論經講義未幾調德化書閩

方汝榮字君實績溪人成化閒由監生任安溪知縣莅官清苦勤政愛民尤留意學校課業雖嚴而諸生悅服後以事忤郡長吏中以法當道察其廉能竟得釋憤悒成疾卒于福州士民大恚志舊

黃著字子誠順德人宏治閒以進士知安溪縣正大寬平以才能改泰興志安溪

李銳字克敏豐城人由監生宏治閒知安溪縣興利除害居官清謹奉檄汀漳勾當公務卒于官邸囊橐蕭然邑

泉州府志

卷之三十一 名宦三

四十九

人哀之志舊

龔穎字栗夫號中山吉水人正德十四年由舉人任安溪縣崇名教闢左道修縣志改廟學建書院以祀文公邑有虎患作文告城隍一月而殺三虎邑人神之嘗以軍功受賞林貞肅俊爲作平寇碑書閩

黃懌字德和蕭山人由舉人嘉靖五年知安溪縣剛果善斷邑民弱素制于外邑勢宦懌至輒正以法由是豪強相戒斂迹邑承劇寇傷殘之後緩刑薄征令富室貸飢民一鍾粟者熟日官倍償之皆向義爭先全活無算縣

產葛闔鎮峻索下令民不得織市不得鬻同安驛借助不貲持義力辨竟罷百年無名之征每朔望集諸士講解爲文會課之又建社學設養濟院藥局義塚百度具舉歷任五年陞常州通判祀名宦舊志

殷棨字文範星子人嘉靖閒以監生知安溪縣興廢舉墜敏於從政嘉靖十七年冬永安寇劫感化龍興等里督民兵禦之獲其二總三總祀名宦安溪志

王漸造字履一號九石番禺人嘉靖甲午舉人三十四年來知安溪縣外貌樸訥而內有條理爲政以興學校勵

泉州府志

卷之三十一 名宦三

五十

人材爲先邑學宮制多未備漸造不謀於衆不費於民捐俸資鳩工庀材 文廟翼廡明倫堂齋舍拓其規鄉賢祠敬一亭則因其舊而修葺之復鼎建文公啓聖二祠及養正書院以爲造士之地窮山僻邑巋然增輝晉

江莊用賓爲文記之

節安溪志

蔡常毓字需成號前峯東莞人嘉靖己酉舉人四十四年知安溪縣邑治舊無城垣屢戕於倭當事者始議建城委德化令張大綱度基定址值邑令陳綵至程材鳩工城以內方就緒不踰年以憂去常毓履任悉心經畫砌

石堅築建門樓開水門自內及外諸皆精緻完密城功
既完而聽治無所乃復飭材庀工縣堂廡宇樓櫓神祠
以次修舉晉江朱安期邑人詹彬各爲文以記其事

安節

安溪
文志

俞仲章旌德人由舉人萬歷四年知安溪縣下車見學宮
頽毀亟修建之邑自嘉靖之季前令蔡常毓始建城垣
其東臨溪易於崩壞仲章築泊岸以衛之計長一十三

丈城得無虞

安溪
節藝文志

夏建寅秀水人由舉人萬歷十六年知安溪縣廉明果斷

泉州府志

卷之三十一 名宦三

五十一

任未期月訟息蠹清不受私書強之則曰僞耳終不發
封嘗以公事行村落自攜乾糧鹽蛋不食民間一飯雖
婦人童子亦知其廉大察爲憾者中傷謫去兒孫步行
從僕一二人行李蕭然邑人攀留者莫不出涕祀名宦

舊
志

章廷訓字汝欽號玉峯涇縣人隆慶庚午舉人萬歷二十
二年知安溪縣邑城依溪阻險土薄善崩萬歷四年前
令俞仲章築泊岸以衛之急喘衝齧河澹漸薄未崩者
離城僅三尺廷訓惻然曰岸陷及城民居弗奠爲民父

母可不置念乎請於上官咸報可愛相勢恢基視舊築
增長規算詳密程督謹嚴戴星出入暮年竣功於是堤
岸鞏固城垣無虞士民請於教諭滕養志立碑紀之建
三壇樹寶塔修縣志建常平倉驅鉛黨而民無後憂革
侵牟而糧無隱弊嚴考試而士無詭籍善政多端直指
周公獎之曰一腔忠信三載循良蓋實錄云

節安溪
藝文志

陸萬里華亭人由舉人萬歷二十四年知安溪縣監獄卑
陋囚無重輕盡繫一處老囚求索輕罪者衣食不遂輒
楚撻其犯竊者卽教以誣引非辜輾轉索取被累多人

泉州府志

卷之三十一 名宦三

五十二

萬里履任數月察知其弊乃懸金於獄中令受害者得
鳴金自訴旣而慮輕罪者甘受老囚虐不敢以聞則復
出羨帑餘贖建內獄一所扃老囚其中其輕罪者處外
獄如故民告竊者必人贓兼獲乃繫之於是獄無株蔓
輕罪被繫者亦無所苦歲餘被劾去民伐石請晉江何

喬遠爲文記之

節安溪
藝文志

廖同春字元叔號淳初泰和人萬歷閒以舉人知安溪縣
寬猛互濟庶務糾紛從容理之聽訟錯綜詰訊摘發無
匿善良蒙福凶頑讐服凡舞文巨猾弱肉強食者必窮

治之邑城南門無重關氣不完聚民以爲病同春伐石
造子城如拱半壁西闢一門以迎清溪之秀永春顏廷
渠爲文記之邑自是藩籬益固民安物阜文運大興以
不能罄折棄官歸歸時其姪子從行指篋語人曰吾叔
氏篋中有縑緗皆自里中來充筐篋者非泉州物也旣

去而民思之

安溪志叅叢
桂堂全集

高金體字立之臨安人萬歷辛丑進士知安溪縣持官廉
公寬而制決而和執不滯剛不虐造請士大夫有禮接
師士以和嚴爲令民自死以擠人死及豪強納產以奪

泉州府志

卷之三十一 名宦三

五十三

人產者必無輕宥隣封勾攝慎發以戒枉逮他如覈糧
額飭郵傳治道路葺城郭繕學宮百凡犁舉兼署晉江
吏抱牘進擇重者立爲決故牘盡清盈庭之訟片語單
詞皆中窾會卽負者自幸不至曠日靡糧崩角去征賦
爲期日酌贏絀先後布之始稽姑聽再再而三罰無赦
民奮然樂輸尤加意勸學作人集士試藝精心櫛比郡
士及他邑士景附風歸在晉八月餘仍還清溪已調繁
候官兩邑士民構祠郡東郭門外肖像祀之後祀名宦

王賢卿瓊山人萬歷三十四年由選貢任安溪縣爲治嚴明不受私書不食民間一飯如前夏令然聽斷立剖徵輸無額外羨歲歉則緩征以待徒杠輿梁如時修舉暇與邑士講藝逾期官無逋租野無溝瘠豪猾不作獄訟無冤而又醇醇寬大不沾沾見奇擢安寧知州祀名宦

書閩

鄭紹武字抑銘歸善人萬歷三十九年以舉人知安溪縣清操自勵振興學校寬刑緩征簿書期會精勤明敏聽訟化競滌囂常使民有不盡之情毀採鉛之場游手自

泉州府志

卷之三十一 名宦三

五十四

散損冶鐵之竈如額而止尤褻然有文祠談經論學好善如渴非其人則言不相入被讒去廢而復起

安溪志

賀詳字約甫湘鄉人萬歷四十四年以舉人知安溪縣在任三年政教脩明民俗和阜建塔以爲邑鎮畱心邑乘

延晉江何喬遠修輯以傳于後

安溪志

孫文質蘇州人萬歷末任泉州衛經歷有才有守攝安溪令士民宜之及再缺令羣請再攝旣去碑頌焉

書閩

蔣日華號恂菴江南華亭人萬歷壬午舉人天啓四年知

安溪縣修葺巒宮額曰文峯拱秀鼎新四箴亭額曰更
新巡郊野勸課農桑遇歲荒開倉賑給安邑密邇郡城
宦幹踞埠橫抽力行禁止臬司命理漳邑命案暮夜饋
金不受禁火耗以均賦役設木阜以剔蠹弊戶無差擾
民安衽席暇則集諸生講學課藝善甄別人才李光龍
王夢弼陳嘉章皆共所首拔者祀名宦

安溪志

許自表字無己號箕穎吳縣人崇禎二年知安溪縣蕭然
儒素四知自凜僮僕書記悉屏不用治以愛民省事爲
先扶弱抑強不避權勢凡假幹市猾訟師衙蠹刁健圖

泉州府志

卷之三十一 名宦三

五十五

賴之風相戒斂跡禁開採清逋賦行保甲練鄉兵朔望
延見諸生析義論文季課月會試牘盛傳報政上官各
註上考值撫臺鄒公新任澄清郡吏獨揖自表進曰砥
礪儒者之操慈惠衆人之母是能以經術飭吏治者與
巡按劉公交薦于朝璽書褒異莅邑六載惠沾士民刻
石鐫像奉祀於文昌祠郡天官馮時來稱其知利弊務
清靜與民休息夙夜飲冰子惠元元尤加意催科獨存
撫字用恭恭身用約約下一似先儒之正己率物□□
國自理行取特授河南道監察御史後以直疏劾首□

溫體仁御批云畱斯言爲千古模範降三級以儆狂臣
左遷國子監典簿尋轉陞工部主事致仕以壽終令安
邑時門多俊造李光龍王夢弼王復表洪龍見李際煥
蔡汝熙黃雲壁梁夢橋均荷其破格鑒賞祀名宦

筭堤
集參

安溪
志

安溪縣典史

蔡珍南昌人宏治閒由椽吏任安溪縣典史越年太守吳
晟廉其賢明行文邑令俾率所屬官吏耆庶用鼓吹花
綬牲酒自學宮導送抵其廨舍以獎勵之其畧曰蔡典

泉州府志

卷之三十一 名宦三

五十六

史自抵任以來節操既堅規爲又當了積年之逋負於
視篆數月之間佐一縣之紀綱於刁風屢作之後蓋擴

其實云

節蔡文
莊集

姜袞嘉靖三十八年任安溪典史有賊百餘自同安來縣
依仁里劫掠袞督兵捕斬無遺

閩
書

賀良臣江左人崇禎閒任安溪典史勤慎有守崇禎十二
年歿於王事柩不能歸里葬於西門外社稷壇山旁并
設主於典史署土地祠內

安溪
志

安溪縣教諭

盛鳳儀字景瑞揭陽人成化中以貢授仁化訓導賢聲著聞轉安溪學教諭署縣事拓學地新殿廡秩滿乞休生徒遮畱至數百里祀名宦

安溪志

鄒魯南海人由舉人正德閒教諭安溪博學工文雅重道義表彰先賢善誘後學嘗著有文集一時士論重之祀

名宦

舊志

孫昌祖號鶴林侯官人天啓甲子鄉薦第二名署安溪教諭慷慨有遠期諸生贄節初不介意且以文章品行相勸勉月課定格必擇其尤者同筆研集讌講學引經據

泉州府志

卷之三十一 名宦三

五十七

典才兼詩賦寄趣騷雅士心歸附旋登進士安溪自設教以來所未嘗有也授嘉興府推官歸老於家祀名宦

安溪志

同安縣知縣

時執亮東平州人洪武四年由儒士知同安縣事廉明公勤以禮讓導民不事刑罰民宜而安之

舊志

王琬華亭人永樂十八年由監生知同安縣下士愛民不避權勢陞通州知州

舊志

劉性同麗水人永樂中由進士知同安縣有政績陞河南

□副使閩書

朱徽新城人正統中由舉人知同安縣有惠政閩書

張遜字時敏無錫人由舉人成化九年任同安知縣興學

校潔己愛民刑清政舉輯縣志重建大同書院嘗爲扁

揭中堂題曰民不畏吾嚴而畏吾廉不服吾能而服吾

公公則能生明廉則民不擾擢知福寧州百姓遮道攀

畱有十數父老齎金數斤爲贐不受送至三山復峻卻

之邑人爲立卻金亭於榕溪之上勒碑其下都御史傅

鎮有記舊志參閩書同安志

泉州府志 卷之三十一 名宦三 五十八

張伋諸暨人成化十五年知同安縣存心愛民政簡刑輕

而事畢辦當道廉其循良將疏薦之卒于官民爲立碑

以寄思慕舊志

龍越廬陵人由進士宏治九年任同安知縣政平役簡去

後民思之同安志

趙汝弼新會人爲白沙陳獻章高弟由舉人正德十三年

任同安知縣邑創殘凋敝幾不能生至則教養生息興

利除害薄賦寬輸鋤奸抑豪振風易俗勸學右文杜私

謁卻苞苴聽訟平允庭無冤獄境內向多伏莽汝弼深

惟患本恤其不得已者憫其陷於不知者廉其跳躅不
率者嚴加懲創不旬月幡然更新閭閻安堵先是歲洊
飢自汝弼至雨暘時若歲以屢豐郊原有一莖數穗之
瑞其曰二氣三光四時五行皆以其穗數名之總鎮羅
公舉行旌典以汝弼爲賢能之冠首致禮幣焉

江節筭集

邵旭仁和人由監生嘉靖二年任同安知縣廉明愛民政

績頗著

同安志

許仁字元夫仁和人嘉靖閒以舉人授巢縣教諭擢南鄭
□城令調德化毀淫祠改社學建公署治橋梁調同安未

泉州府志

卷之三十一 名宦三

五十九

久罷去性執義而往多介少通生平邃於經學諸所著
論皆折衷經傳發前人所未發

雍正稿

葉允昌字順德號後林慈谿人嘉靖十三年知同安縣邑
西北有西安橋護闌閒圯梁石中折勢不久支允昌捐
資募役治其傾壞完其壯固不旬月而竣功坦若繩削
行人利賴又修建啓聖鄉賢名宦各祠城郭山川井野
市里原藪渠麓利罔不興邑人許福爲作重修西安橋
記旣去而民思之

同安志
節文藝

袁杉號芳洲揚州人由舉人嘉靖二十一年知同安縣秉

道守禮無所文飾其治民不動聲色務爲馴擾有愷悌忠篤之純甫六月民輒歌咏勞苦相與離徙法網以爲陳實王烈云巡按徐南湖獎之曰惟爾同教行奸戢獄訟弗繁長吏惟爾有勳余念乃德嘉乃丕績亦以爲閩著令云

節林次
崖文集

郭山號景崖嘉定人由舉人嘉靖二十二年任同安知縣天性篤孝動循禮法莅縣事以不肯折腰取嗔當道一無所動而質任誠信卒以取譽時方嘉其古誼爭效慕之會以憂去百姓攀輓不能得畱履笥之東岳門左以

泉州府志

卷之三十一 名宦三

六十

寄其思云

同安志

王仲玉號青岡安福人由舉人嘉靖二十五年任同安知縣下車值天旱祈雨輒應首詢民瘼苦莫如盜於是嚴封域謹烽堠戒保伍飭材官修器械值海寇攻南安轉安溪越入同安境內之人各舉其職用是豺狼遁散閭閻獲安撫按移檄交獎之其爲政廉勤自持忠厚恤物芟煩剔蠹吏民畏服以疾去邑人畱紳笥於東嶽廟門之左

同安縣志
林次崖文集

彭士卓號石坡番禺人由舉人嘉靖二十八年知同安縣

下車採風問俗首以孝弟教民凡博弈聲伎屠牛及居喪用浮屠諸舊習悉嚴禁痛治之既乃加意休養催科從緩鮮額外無名之征用度有經無犯禮傷財之患大小之獄必盡其情有干法者不少假借請託不行苞苴不入不徇里正之私懸榜示禁知吏能爲奸始漸遠而終絕之尤加意學校作興人才文士彬彬庚戌夏秋兩次遇旱士卓率諸生吏民竭誠祈禱皆不踰日而應民咸尸祝之

節林次崖文集

李時芳號新溪廣西人嘉靖三十七年以興化同知攝知

泉州府志

卷之三十一 名宦三

六十一

同安縣春三月倭寇數千攻城率士民分堞而守晝夜巡督殺賊賊始引去數萬生靈獲全夏五月賊復來攻淫雨經旬不止城垣崩塌多處或十丈或二十丈民命危於累卵時芳募諸灣之兵以身率之晝夜防守夜雨如注張蓋臨城當矢石之衝以身爲捍蔽民復賴以生全其勞與功視三月尤甚賊既退諸生以前官因賊改築城垣儒學櫺星二門因之逼斗形家所忌議將城垣拓啓五十丈深二丈時芳捐俸爲倡不數月而告成功同人謂禦寇以衛民改城以興學皆萬世功爲文紀之

先是時芳攝惠安能爲民禦災捍患惠民思其澤亦紀

績焉

節林次
崖文集

譚維鼎字朝鉉號瓶臺新會人由舉人嘉靖三十七年知同安縣下車周詢民隱平賦稅審徭役均勞逸節財用凡可致民康乂者殫力爲之尤加意學校朔望與諸生講論多所發明四時攷校差等第以示激勸學宮少壞輒加修葺獄大小必盡其情吏不得高下其手有疑者或親臨詳讞其於要囚服念五六日求其生而不得然後不蔽時倭寇充斥告當路請援兵修城池簡軍實多

泉州府志

卷之三十一 名宦三

六十二

方捍禦擒倭酋阿士機等於浯州招撫林三顯藉其策破楊三擒黃大壯追鄭大果王子琪於安溪馘之致馬三岱於庭下值賊攻南關以兵授岱立解其圍劇寇數萬一朝效順邑藉以安庚申夏旱齋戒沐浴率屬虔禱澍雨疊沛四郊沾足已槁者盡青未播者遍種歲以大

豐陞本府同知歷廣西僉事

閩書叅林次崖文集同安藝文志

鄠一相號宜亭豐城人由進士嘉靖中知同安縣淳厚端潔人不得干有訟至庭輒誠動而理遣之逋賦者諭以義皆欣然樂輸邑被倭後財力彫疲極意培養閔貧士

單寒清復溪乾南橋邸稅爲勢家所有者半代酷權之
需半充學租以惠士凡急難婚喪皆取資焉復以端士
習育人材爲己任旌別課試殫厥心力人士改觀以其
餘力較輯邑乘補文獻之遺擢廬州同知

閩書叅本宦
題名碑記同

安藝
志

徐待鄞縣人由進士萬歷閒知同安縣真心凱度養士愛

民擢御史

閩書

曾如海臨川人萬歷壬辰進士二十二年來知同安意念
端而操履嚴力鋤賭盜盡革苞苴兩造在庭平心質問

泉州府志

卷之三十一 名宦三

六十三

片言剖析民自以平而不冤遇旱步赤日拜泥淖中爲
民請命緩催科弛敲朴捐俸預爲賑貸計復繕葺城垣
以嚴于擷有備無患浹歲卒于官蕭然囊橐臨易簣猶
不妄用一印百姓哀而思之

同安志叅
清白堂稿

洪世俊字用章號含初歛縣人萬歷乙未進士二十五年
任同安知縣下車謁民利病銳意興除吏畏之如負霜
民懷之如挾纊賦稅按額徵輸不責浮羨訟牘據情剖
決兩造厭服獨治猾與盜最嚴曰是戕吾赤子者樗蒲
椎牛之禁三尺無佚謂厲耕教惰且爲盜階自是敗類

者惴惴自遠會礦稅議興中官四出責礦則曰同故無
礦也責稅則曰民貧安取權哉既力爭不免則請受稅
額而官輸之無任惡少年包收倍取竟得輸課無缺民
不知權雨暘祈禱輒應辛丑旱步行烈日中往返數十
里以雩澍雨大沛政暇進諸生課藝誘掖獎勸諄亶不
倦拔其穎者以示風勵出陳庾穀斥置學田搜廢觀田
二百餘畝歸租於學以贍士復用彤家言以學宮之前
文峯不卓建塔城東南隅鳳山之巔於是弦誦益廣文
學斌斌明年許獬遂魁會闈在任六年愷悌根心恩意

泉州府志

卷之三十一 名宦三

六十四

旁流待單赤惻然如傷卽下戶人誥誤輒予輕比其強
有力人欺侮平民毫不少貸丁父艱歸後爲本省參政
歷官太常寺卿既去之明年民建祠祀之同邑長有祠

自世俊始

節遜
全集 菴

王世德永康人由進士萬歷三十年知同安縣冲和辨皙
臨事屹然如山雖貴勢不能撓戴星而理賦無宿逋獄
無滯案近習畏威豪右惕法良善者靡不銜恩凡勸學
育材旌義興利詳立制度皆足貽嗣事者法程值中官
權估奸徒乘閒投足爲窟穴稅額視他邑獨夥世德嚴

持三尺奪叢神而夷城社於是羣奸屏跡境內晏如未
三載調知閩縣耆老之風謠紳士之賡歌積牘盈尺晉
江黃鳳翔錄而序之

李春開字晦美號青岱廣昌人萬歷丁酉舉人三十七年
知同安縣稽古好文以儒飾吏修邑志刻正俗編以教
民又刻朱文公大同集林希元集于學宮以惠後學誘
掖賞識士氣奮興重修文公書院清復銅魚修葺城堞
事治民安教化流行盜賊斂跡囹圄空虛民苦糧累爲
減梵天奇江之加增民苦代旁邑輸爲停嘉禾之倉穀

泉州府志

卷之三十一 名宦三

六十五

先是稅璫方興同安額派八十緡而奸民蔡德邵等投
監充牙因緣爲市復加舊額之半增四十緡於是公稅
一私稅十舊者剝肉新者椎髓商民交困嗣晉江安溪
額外之稅已蠲而同稅如故春開問民疾苦曰是負戴
販鬻者獨匪民哉會直指陸夢祖行部至同舖民奔訴
縣庭求申春開遂援例力請罷之得報可而撫軍猶以
額故難之下藩司議事幾格而邑民劉某吳某葉某復
以官牙奉藩司得輸稅充餉商民皇皇直指採縉紳言
檄縣而詞加峻春開乃獲以地稅香資議抵及正諸官

□罪而加稅始得盡蠲撫軍亦遂報允商民歡聲雷動
勒碑溪南以紀之後以察謝官遂不復出先是辛亥秋
春開禱雨應時民建亭于邑東顏曰喜雨及去益思其
德卽前亭爲祠設位祀焉

閩書參清
白堂稿

黃文星字鮮生潛山人由進士萬歷四十一年知同安縣
冲夷不競豁達能受俸入之外未嘗苟取一錢邑被水
田荒飢民載道殍者相屬文星出俸賑之死者給櫬聽
訟平情察理不取贖鍰民爲感化訟牘以少尤加意作
人學租給發以時士有被冤者必爲白之表章先賢創

泉州府志

卷之三十一 名宦三

六十六

祠助費校士親自甄別首選及前列皆入庠旋登賢書

人服其藻鑑

參清白堂稿

徐應秋字君義號雲林西安人萬歷丙辰進士四十四年
知同安縣下車見學宮廢墜捐俸修之邑人蔡復一爲
之記其爲政御下寬愛民切課士勤小大之獄以情待
縉紳必以禮苞苴絕於庭于謁絕於室欺蔽絕於左右
魚肉絕於閭鄙目之所經口能別之耳之所聞心能識
之不動聲色不煩借聽而幽隱重難之事了然胸中政
成民服調任莆田同民跋涉千餘里詣巡按乞畱上官

爲動而部移已不及追去而民思之節清白
堂稿

李燦然字伯弢號任明縉雲人由進士萬歷四十八年知同安縣操守粹白識定才敏凡讞獄之隱微風教之大關錢穀之解徵壇廟之修建殫精釐蠹犁然具舉值紅夷竊窺邑治戒嚴乃調募水陸兵士支給軍需置炮臺備火器出困廩以賑窮民倉卒立辦於是夷舟遠遁而災民亦免阡危刻有吏牘蔡獻臣爲之序其置炮臺修壇廟有記秩滿內陞去同民祀之名宦節清白
堂稿

曹履泰號方城海鹽人由進士天啓元年任同安知縣停

泉州府志

卷之三十一 名宦三

六十七

征甘於考拙以紓飢饉授兵緩於登陴以息負任無情之詞不可惑以聽不吐之剛不可劫以威潔己不緇推誠盡下誨多士豈樂有恩而務閑之以禮接縉紳披衷見素而不可干以私旱則蔬食步禱飢則發粟救荒暴子弟從賊者按實立置之法招撫議起上官倚履泰爲重強酋亦信其言卒之憬者革心悍者授首白礁鄉有水涵漑田數頃爲豪家所壅民苦偏枯爲均畫而疏通之同井普遍中左所遠居海上寇突入火其舟虔劉其民人民爭圖取舟備戰艦見商舟至則畱之給直無時

商人以爲苦貨海者以粟及夷寶寶至豪悍藉稅公家
稅且倍蓰民爲賊掠者卒得之反以爲俘冒邀功履泰
命解商舟禁私稅釋良民日練鄉兵爲禦敵計寇聞遁

去同安及中左所俱勒石紀德

白堂稿 霞棲 叅清稿

熊汝霖字夢澤號雨殷餘姚人崇禎辛未進士任同安知
縣才高而識明心慈而風清凡事一入耳人一經目雖
逾歲月而姓名曲折胸中語次無不了了編審賦籍綱
舉日張里甲稱平徵比有定限而閒寬其期鄉民稱貸
樂輸不事敲撲訟願解仇者聽而事情重大必須問斷

泉州府志

卷之三十一 名宦三

六十八

者舉筆立讞遂成鐵案兩造成服尤憐才愛士諸生有
善殫力成之被抑多方白之試童子卷盈萬躬自甲乙
入彀皆佳士遺落者貼然無譁執法嚴而用法恕卽應
辟者亦曲折以求其生邑西有西安橋長千餘尺癸酉
冬橋西火延民舍數十家石洞燬折其七乃捐俸百金
倡募紳士人民伐石鳩工委邑丞吳綸程工未幾告成
人誦其德勒石紀之浯洲嘉禾烈嶼諸島及高浦鼎美
去縣遙遠值紅夷劉寇交警凌風冒刃率鄉勇突擊之
各遠遁屏跡咸稱爲文武兼才計薦擢吏科給事越三

載士民建祠東郊祀之勒石爲記後以東閣大學士從
魯王至厦島爲鄭彩所害並其幼子投海中清白堂稿
參明史
同安縣縣丞

何文宣興寧人由吏員正統九年任同安縣丞操守廉潔
實心愛民民稱其賢同安志

劉珣器永新人天順閒以才德舉任同安縣丞有才有守
時邑學久廢珣器適因公至省貸金市木浮海而還仍
勸邑人義助凡明倫堂尊經閣大成門櫺星門興賢育
才坊皆重建之易木以石廓隘爲敞壘尊之屬悉鑄以
泉州府志

卷之三十一 名宦三

六十九

銅竹籩木豆飾以丹漆以至官學廨宇諸生號舍饌堂
庖庾藏器之所靡不畢備其餘邑中建置經畫多出其
手祀名宦祠舊志參
閩書

萬善號壇溪南昌人由諸生卒業成均嘉靖閒任同安縣
丞敦樸不華質直無僞居官小心敬畏毫不苟取亦不
稍爲瞻徇署邑篆懼不勝任辭再三而後受事催徵錢
穀常數之外無溢取聽斷獄訟得情之中常哀矜羣下
爲奸稍覺察輒窮治無所貸人多畏避鮮犯者擢山東

寧海州判去同民思之節林次
崖文集

歐陽祐號武潭泰和人萬歷三十八年由上舍生任同安縣丞坦衷質行涖民恕而律已嚴有不直者薄笞示儆不苛責所過雞犬無驚遇士禮意尤歡浹居五年事辦民懷市井小偷每發輒得上官數嘉獎之陞布政司都事去民勒碑以紀其政

節清白
堂稿

同安縣主簿

徐正敘號東溪銅陵人由監生嘉靖二十七年任同安主簿智足周物察微才能剴繁應變領錢穀而會計當職巡捕而姦宄息司訟獄而聽斷平視邑篆而庶政理陞

泉州府志

卷之三十一 名宦三

七十

河南伊王府典寶去民追思之

節林次
崖文集

曾一甌泰和人萬歷二十一年任同安主簿讞決盡下催科中程一切例錢靡所問署邑篆早禱立應士民歌之代之日捐鍰百緡以葺學舍前後臺使屢旌獎之在任四年告病歸同民以不克終被其澤爲憾

節清白
堂稿

謝與源號淦川泗洲貢生萬歷二十六年任同安主簿持身若處子讞決若老吏凡上官所移獄小大必以情卽山陬海澨之畫界田畝尺地之紛拏不憚險遠必躬履而質之一切請託無所徇奉檄給軍需出其不意核虛

冒若干人以報出納一清主者以例請叱去之捕務劇而叢嫌謗向有詭得爲利者與源獨避之若浼曰吾不任迎送役也奉委修城經畫有方巨工速成直指新會何公察其廉能以美詞金幣旌之節清白堂稿

同安縣教諭

陸佶鄞縣人正德閒由舉人任南京刑部司務謫同安教諭律身以正教導有方凝重老成絕去矜浮同士敬而

慕之陞鄒縣令去

舊志叅林次崖文集

李榕號拙修鄱陽貢生由鎮江訓導嘉靖閒陞同安教諭

泉州府志

卷之三十一 名宦三

七十一

正身率物破常格立新規以教多士啓其志意正其塗轍課其藝業隨其才陶冶之務令釋回增美咸趨於道如許升王力行諸子之於紫陽講學之外言不及利富者無所覬貧者周卹之兩署縣令刑獄每遜讓至寇盜猖獗爲民患則悉心捍衛民咸賴焉臺察屢加旌獎其考曰儀範可端操持不倦時議以爲未盡其蘊云節林次崖

集文

陸佺號北城鄞縣人佶弟嘉靖閒任同安教諭文學該博所著宋元史發微天文地理諸書皆前人所未發本其

所學以立教而以身先之圭角不露而軌範自尊科條不繁而矩度自立訓詁不崇而經旨自暢學者靡然向風登科第者累累擢漳州府教授遷南京國子監學錄

林希元爲文送之

節林次崖文集

鄭燿號拙我閩縣人萬歷乙酉舉人二十年任同安縣教諭不取貧士贄餽朔望集有文行者身與角藝分其甲乙所取文平易爾雅力黜奇邪曰文邪者無端行民有與士訟者往時學博多以此嚙士獵賄不則袒民而懲士燿悉諭而遣之民亦感悟不復訟秩滿遷峽江知縣

泉州府志

卷之三十一 名宦三

七十二

節許鍾斗文集

姚全號敬菴湖廣人萬歷三十年任同安教諭月具饌羣諸生試之文不取奇詭不採虛望一以理法爲準待士不以顯晦疎數而有異約之使範于軌不如約者召而切責之其閑於禮法者色笑誘掖如坐春風中贄餽一無所問空刺報謁欣然也嘗作海防議鑿鑿中窾可兄施行直指新會何公廉其賢移美詞金幣旌之節清白堂稿楊立字中吾河池州恩貢萬歷四十年由常山訓導擢同安教諭坦衷質行不知有人世機智籠飾之術訓諸生

鹽鹽傾所聞見贅脯厚薄無所問諸生進而坐春風中
退各人人意得擢思明教授去同士思之節清白
堂稿
同安縣訓導

章文仁和人宣德元年由舉人任同安訓導爲人持重不
苟其教以身先之課文崇典則抑浮靡後累官南京禮
部尚書兼太常寺卿舊志

王仁上虞人正德閒任同安訓導性夷曠不屑勢利對諸
生必以古人相策勵有所贈遺則市酒飲之酣歌終日
錙銖不入於室同安志

泉州府志

卷之三十一 名宦三

七十三

鄧鸞號玉田曲江人嘉靖庚子歲貢二十二年任同安訓
導其誨諸生不厲聲色而教令自行不飭廉隅而矩度
自立不曲示恩信而人自敬愛蓋其任誠無僞質直無
華足以感人云節林次
崖文集

侯崇學號龍岡曲江人由諸生應貢嘉靖閒授同安縣訓
導安分自守利欲不入於心一以作人爲務科條不繁
矩度咸在諸生受其教無弗感發師嚴道尊署邑篆吏
民宜之遷容縣教諭去節林次
崖文集

王尚賢字鴻磐化州人由諸生應貢嘉靖閒任同安訓導

初至立條格以教諸生嚴而不刻寬而有制以身率物口不言利巡察考其文行優等移檄郡邑獎勵之擢甌

寧教諭去

節林次崖文集

林叢字廷桂號萬峯福寧州人萬歷二十四年任同安縣學訓導忠厚明廉課士評隲不爽月集諸生于大同書院歌詩談道士之貧者不受贄卽不贄不問也諸生入其室如坐光霽中不以禮意勤怠踪跡疏數爲軒輊一生未嘗見面其族人與訟產而巉以不肖行叢曰誑也曖昧事豈可妄指且不揭于未構訟之先力白之得

泉州府志

卷之三十一

名宦三

七十四

釋歲飢邑令移委分賑嘉禾里託宿神祠不煩里保一供或倉卒不能具釜鬻廢滄者再每詣鄉村必覈應賑者主名召里保矢之曰若有虛冒明神殛之言畢而覲冒者相顧散去實惠均沾值大計邑令以下俱赴省畱叢司管鑰民有因奸謀殺其夫者訊供得其情令取保覓屍諭之曰汝實戎首天網恢恢何可漏也已而奸夫奸婦皆自縊人謂片語嚴于斧鉞所居廨傾圮不任風雨每飄驟蒙衣起坐諸生釀金謀葺治辭不應歲餘益不支割俸鳩工諸生爭助灰瓦木石不能止也每勗諸

生以敦本勵行爲先曰士跡弛鮮修卽摘藻如春華去
聖賢萬里矣聞者竦然感奮嘗題署云殿角天開金鏡
曉六合內正大光明門前霧捲翠屏秋一腔中融和潔
淨可以想其涵養焉丁內艱行橐蕭然諸生爲祈卹于
上官方得歸旣歸請蔡獻臣爲訓同記勒于石

節清白
堂稿

張五典字敬泉廣東長樂人由歲貢萬歷三十四年任同
安訓導模範端方條教詳盡與學者議論講習月書季
考不稍閒待諸生有恩禮莫不敬而愛之八載告歸同

邑士思之不置

節林次
崖文集

泉州府志

卷之三十一 名宦三

七十五

劉章號起田陸川人由歲貢萬歷三十七年任同安訓導
待士寬嚴得體守己廉不責羔雉宅衷坦不設城府衡
文當不爽妍媸事有可否不存成見處察案委曲調劑
不自見長諸生有訟久不決者得其片語立平擢藍山
教諭去諸生戀戀不能舍請蔡獻臣序以送之

節清白
堂稿

車任重字宏宇南平人由歲貢萬歷三十八年任同安訓
導冲夷恬淡喜怒不形卽僚長有峭厲怒張之態以和
易劑之卽諸生有陵囂詬誅之習以正直鎮之平心率
物甘貧履素居然有道氣象五載擢弋陽教諭去

節清白
堂稿

稿

泉州衛指揮

周淵洪武初爲泉州衛指揮僉事元亡陳友定故將泉州

總管陳同收餘衆攻陷同安縣淵率兵擊之馳馬入陣

斬同復同安

閩書

楊海壽州人襲泉州衛指揮使正統閒隨保定伯梁瑤征

大盈小盈周嶺洋尾各寇擒斬僞都指揮何引生賊首

汪生奴等陞本省都指揮僉事

閩書

王鎧沔陽人泉州衛指揮同知征勦汀州叛賊詹思富等

泉州府志

卷之三十一 名宦三

七十六

有功陞本衛世襲指揮使遂家晉江子麟襲職嘉靖甲

午丁酉兩舉武科有擒賊功別有傳

閩書

武成順天通州人先世授襲泉州衛千戶成有勇畧善騎

射正統末沙尤寇起成累立戰功擢本衛指揮僉事天

順閒龍巖上杭寇竊發成復著戰功成化初召至京以

母老乞歸養尋擢福建都指揮僉事提督海道性孝友

禮賢敬士有儒將風

舊志 通志 參

丁遠全椒人先爲興化衛指揮僉事成化閒部使廉知其

能調視泉州衛篆清白勤慎撫恤軍士號令賞罰明信

驕卒悍兵一時屏息甫三年歸興化尋卒泉人思之

舊志

李瀚字元直號毅菴泗水人洪熙閒其始祖清以戰功調
泉州衛指揮僉事三傳至瀚皆襲前職瀚少失怙事母
得其歡性質聰明軀幹修偉親近儒者講論書史武經
百將傳士大夫多與交遊考選軍政奉成法革宿弊撫
卹士卒咸樂爲用宏治辛亥漳州劇盜溫文進等嘯聚
山谷攻劫縣治檄瀚前往征捕克奏膚功事聞賜白金
正德丁卯南靖草寇生發復召瀚征之擒獲賊首李靖
盡絕其餘黨賜幣及寶鈔六百貫年五十一卒侍郎顧

泉州府志

卷之三十一 名宦三

七十七

珀爲銘其墓

節顧新
山文集

徐麒邳州人泉州衛鎮撫嘉靖季斬倭首七顆於同安地
方陞中所正千戶復進征興化渚林斬獲有功陞本衛

指揮僉事予襲

閩書

衛百戶

郭瑄薊州人泉州衛百戶懋弟曉兵法善騎射正統中德
化寇發御史陳永兵憲陳祚委瑄討之將所部百二十
人遇賊新化里等處生擒賊首林眞保等三十一人斬
戮倍之繼而餘黨犯永春士民乞再用瑄賊聞大怖引

去瑄襲擊於苦竹村日數戰皆破之復追殺至吳田嶺
死傷遍野賊窘甚胥指是髯將軍者郭耶銃弩齊發瑄
傷股賊傳聞瑄死引還剽掠十九都諸鄉瑄裹瘡督戰
甚銳賊見瑄駭遯永德以寧是月瘡潰卒事聞子襲閩書
張養正本寶坻人泉州衛右所百戶嘉靖三十二年奉檄
守興化青山備倭夷舟傍岸養正發矢中其三明日夷
悉衆登岸養正禦之後軍奔逃無援遂被害時年甫十
九其僕守慶以護主先被賊斫死事聞陞襲二級令附

祀衛民祠

閩書

泉州府志

卷之三十一 名宦三

七十八

永寧衛指揮

附知事

錢輅字廷用全椒人有才畧景泰中海寇嚴啓盛恃險爲
亂輅率舟師追七日夜至黑水洋大小十一戰賊敗遁
復征沙尤寇斬酋蕭政通以功陞泉州永寧衛指揮同
知輅知書事母孝教子嚴治家有法閨門肅然通志
陳用之成化中永寧衛知事永寧海上地絃誦聲稀用之
訪諸貴胄及戎籍子弟之秀者勸使就學時詣門諭之
曰古人雖在軍旅不廢詩書道藝人閒唯此一種味最
不可少且爲敦請興化耆宿陳愈爲諸生師旣三年得

可造者三十人白當道乞如民間俊秀例充附泉州府學以均教育以勸來者自是永寧文風日進學者德之立祠祀焉

通志

崇武所百戶

張榮惠安崇武所百戶生而驍勇忠義自許襲職鎮海元鍾千戶領水軍泊粵海灣中遇賊鏖戰擒二巨魁並殲餘賊事聞賜寶鈔調崇武署本千戶所事時倭船艤大岞登岸人情洶洶咸以斗城孤絕惟堅壁自守可冀苟全榮奮然曰國家建衛所官軍正爲土地人民計奈何任倭蹂躪不爲驅除遂指戈躍馬迎敵力戰死焉賊亦登舟遁去崇城安堵無犯沿海居民實受其庇云

惠安志

浯嶼把總

沈有容字士宏宣城人萬歷己卯武舉由世蔭千戶都司僉事授指揮守浯嶼欽依把總各指揮聽其節制時遣中官監稅只及貨物而米粟不與焉征者詭云米粟不稅但稅米粟船於是度廣狹準額賦民甚苦之奔告有容有容曰稅船則粟不至民益艱食此假託濫征中官固不聞也卽爲走檄請命而中官果謂不聞亟罷之環

泉州府志

卷之三十一 名宦三

七十九

海商民感德勒碑旣而太守程朝京以浯嶼水寨北去崇武四百里緩急莫應議徙寨于石湖屬有容經理爰度地相宜庀材鳩工監司防海寨署及元武祠演武場次第興建屹然重鎮辛丑寇掠諸寨有容擊敗之踰月與銅山把總張萬紀敗倭於彭山洋倭踞東番爲巢四出剽掠沿海戒嚴有容陰誦其地勢部署戰艦以二十一舟出海遇風存十四舟壬寅臘月乘風破浪過澎湖與倭遇諸士卒殊死戰勇氣百倍格殺數人縱火沈其六舟斬首十五級奪還男女三百七十餘人倭遂去東

番旄倪壺漿餼牽來犒我師曰沈將軍再造我也海上息肩者十年事聞將吏悉敘功有容止賚白金而已甲辰七月紅毛番長韋麻郎駕三大艘泊澎湖之島通譯求市稅使高窠受賂召之也僉謂茲舉利一害百萬不可從以屬有容乃輕袍緩帶徑登其舟爲譚陳國家威德封疆峻限與夫主客勞逸之勢持久坐困之苦聲韻雄朗意氣磊落麻郎感悟索還所賂窠金伺風便揚帆而去自是鯨鯢消戢溟波永靖瀕海之民咸頌其德葉向高有改建浯嶼水寨記黃鳳翔有沈將軍靖海碑祀

李光縉有郤西番記後歷登萊總兵官卒贈都督同知

賜祭葬

景璧集

呼鶴鳴字元齡號凌虛籍貫未詳父良朋爲大都督掛征蠻將軍印有名西南鶴鳴由武舉授鎮東衛把總署浯銅遊兵事海上諸務悉中機宜居三年閱五汛遊中陋規一清凌秀黃敬竹等越販外夷船戶林養真輩殺商于貨捐貲督捕人賊並獲當事屢旌獎之會本營及浯嶼澎湖諸軍六十餘艘例當修葺推鶴鳴主之檄諸舟鱗集以聽指揮時冬汛屆期而鷺門故無官商鶴鳴劑

泉州府志

卷之三十一 名宦三

八十一

量省視百需悉給如時直工匠哨捕憚其威廉亦不敢有所濡染冒破於是諸艘更新堅好耐風濤諸商及捕盜之卒往來海上得免驚心無俟祝風於天祈浪於海兵民德之何喬遠爲作造船頌德碑蔡獻臣爲作修船

記

清白堂稿

翁元輔字孝揆號曉暢萬歷閒由松江金山衛指揮使擢浯嶼遊兵把總守嚴飲泉惠溫挾纊慷慨振刷有誓清日出之志受事未期撫軍丁公復用汛事慰薦之嗣是乘風破浪與士卒同其苦揚威海上革衛所貼駕擇便

之例金而成卒懷擒小埕橫發難制之劇盜而威名震
緝通番不可測之販船而隱禍絕兢惕勤勞咸謂其有
保障之功未幾以任怨中蜚語解任去兵民勒碑以志

去思焉

節清白
堂稿

泉州府志卷之三十一終

泉州府志

卷之三十一 名宦三

八十一